



सानसेयारि "बड'सा" खीरालाइयाव अमाजयारि जिज्जो लोब्बा थानाय रायथाय, बरन्थाय, अल', अल'बाथा आरु दावबायारि थावनि, पार्क बाइदिनि सायाव लिबनाय लिबिदां दैथाय हर/ सानसेयारि "बड'सा" खीरालाइया खेबखानावै फोस्त्रावगोन/

बड'सायाव लिबनायनि हुवा खालाम, "बड'सा" खी नोथो, जो बयबो आंगो खालाम/

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Thursday ★ 30 January, 2025 Kokrajhar, BTC, Assam ★ Vol. - 33, Issue No. 300 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

## बड'लेन्ड मुलुग सोलोंसालियाव मिरु एबसुनि थान्दै हान्जाया दावबायहैदों

लांदां जानानै थानाय मासिआव थाबैनो थिसन्थाइ होनांगौजों लोगोसे गासै जेनाखौ बोस्त्रांनो एबसुनि दाबि

कक्राझार, 29 जानुवारि: दुलाराय बर' फरयसा आफादनि आफादगिरि दिपेन बर'नि दैदेनाय एबसुनि मोनसे थान्दै हान्जाया दिने बड'लेन्ड मुलुग सोलोंसालियाव हरखाबै दावबायहैनानै मुलुग सोलोंसालिनि सोलिफु थासारिनि सायाव खौरां लानायजों लोगोसे बे सोलोंसालिनि जेनाफोरखौ बोस्त्रांनोनि थाखाय बड'लेन्ड मुलुग सोलोंसालिनि भाइस



सेन्वेयर ७ बाबुलाल आहुजाजों गुवारै सावरयज्जायो। एबसुनि थान्दै हान्जाया दिने मुलुग सोलोंसालि दावबायहैनानै (□ 6 बिलाइआव)

## वर्डनेट मुलुगआव असमीया आरो बर' रावआ मुलुगनां गनायथि मोनबाय

पाडिया ( इटालि ) 29 जानुवारि: इटालिनि पाडिया मुलुग सोलोंसालियाव खुंनय ग्लबेल वर्डनेट कन्फरेन्स 2025 नि गेजेरजों असमीया आरो बर' रावनि डिजिटेल राहा फोजौखानाय बिथिडव संदान लाइ गथायनानै असमीया आरो बर' रावखौ हारिमायारि जौसांसिम लांनयनि मख'जाथावना राहाफारि आजावदों। बे मुलुगनां जथुम्माआव असमीया आरो बर' रावनि डिजिटेल टेक्न'लजि आयदानि मोनै संदान लाइ गथायनाय जादों। मुलुगनां फोथाराव असमीया आरो बर' रावनि सिनायथिजों लोगोसे सा-सान्जा भारतनि गुबुन गुबुन रावफोरनि टेक्न'लजि बिथिखौ फोजौखानो नाजानाय हाबाफारिखौ आरोबाव गोखौसिन खालामनायजों लोगोसे असमीया आरो बर' राव मोनैजों हारिमायारि गोनांथियाखौ दिन्थिफुंनो हानाय जादों ग्लबेल वर्डनेट जथुम्मानि गेजेरजों। गुवाहाटी मुलुगसोलोंसालिनि फोरमायथि टेक्न'लजि सोलोंथाय बिफाननि साबा सोद्रोमा हान्जाखौ दैदेनलानाय (□ 6 बिलाइआव)

## आबोफनि दैदेनायाव जनमेस्वरि बसुमतारिखौ जिउ फोजोबनायनि सायाव थार बिजिरनाय मोनांगौनि दाबिजों हान्जा सुरनानै खुद्रिसारदों

दायनिगिरिखौ फासिनि साजा होनो गुबुन गुबुन आफाद गौथुमनि दाबि

बड'सा थान्दै/सिमन सापरि, 29 जानुवारि: सानैसो सिगां राइज्योनि राजथावनि नोगोर गुवाहाटीआव सासे संग्रानि थाग्रा ख'थायाव जनमेस्वरि बसुमतारि मुनि सासे लाइमोन सिख्लानि सोमोनांथावै गोथे देहा बोखानो मोन्याय जाथायखौ लानानै दासादि धेमाजि जिल्लानि सिमन सापरि ओन्सोलनाइँनो दुंहाव थासारि सोमजिबाय थादों। थानाय 21 जानुवारिखालि धेमाजि जिल्लानि सिमन सापरी पुलिस थानानि बेन्दोंआव थानाय हांमा सापरि गामिनि राउ बसुमतारिनि आंगो फिसाजो जनमेस्वरि बसुमतारिनि जिउ



गैथे गोथे देहाखौ एबा थैनानै थानाय थासारियाव गुवाहाटीनि गाथी बरिस्तआव गावनि मोजां मोन्याय संग्रा इन्द्रजित पैथ मुनि

संग्रानि थाग्रा खथायाव बोखानो सुबुंफोरा मोनसे बुथारनाय मोन्दोंमोन। बे जाथायखौ जाथाय थामहिनबा बिनि मोजां नख'रनि आरो ओन्सोलनि (□ 6 बिलाइआव)

## माजबातआव पासनै सेरफां मन्डल बिजेपि आरो ब्लक इउपिपिएलनि बान्जायनायाव बेसेननाइँ मेगन आन्जाद बादा खुदों



बुधबारखालि सानसेनि बेसेननाइँ मेगन आन्जाद नायनाय बादाखौ खुंनय जादों। मेगन आन्जाद नायनाय बादायाव ओन्सोलनि गुबुन गुबुन गामि आरो चाहा बागाननिक्राय गासै 200 निखुइँ बांसिन मेगननि जेनायाव भुगिनाय हौवा-आइजोफोरा मेगननि आन्जाद नायजायो। बेनिनो गासै सा 50 (□ 6 बिलाइआव)

उदालगुरि, 29 जानुवारि: उदालगुरि जिल्लानि माजबातआव पासनै सेरफां मन्डल बिजेपिनि बान्जायनायाव आरो शंकरदेब नेत्रालय गुवाहाटीनि हेफाजाबआव दिने

## कक्राझारआव दिने 6थि शेडियुल काउन्सिलनि खौरांगिरि जथुम खुंगोन

कक्राझार, 29 जानुवारि: बिटिसि सरकार फोरमायथि आरो सुबुं फोनांजाब बिफानआ 30 जानुवारिआव कक्राझारनि प्लेनेटेरियाम सावरय जथुम नबन्नांआव 6थि शेडियुल काउन्सिल (6थि फारिलाइ गौथुम) नि खौरांगिरिफोरनि जथुम्मा खुंगोन। हाबाफारियाव बड'लेण्ड टेरिटरिएल रिजन (बिटिआर), काबि आलं अटनमास काउन्सिल (केएएस) आरो नर्थ काछार हिल्स अटनमास काउन्सिल (एनसिएस) नि खौरांगिरिफोरा बाहागो लाफैगोन। खौरांगिरिफोरनि गेजेराव सावरयलायनाय, (□ 6 बिलाइआव)

## सेथि बड'लेण्ड इन्टार डिस्ट्रिक्ट भलिबल चैम्पियनशिप

### सालबारि जिल्ला गेलेमु आफादआ देरहाबाय

भरानिपुर, 29 जानुवारि: बाहागो लानानै सालबारि सेटआव फेजेनानै चैम्पियनशिप भेरगावआव बिष्णु राभा जिल्ला गेलेमु आफादआ आरजिनो हायो। देरहानाय



हारिमुआरि न'नि लांगोनायाव मैयानिक्राय सानैनाइँ खुंनानाय 'बड'लेण्ड इन्टार डिस्ट्रिक्ट भलिबल चैम्पियनशिप, 2024-25' (हौवा) आव

चैम्पियनशिप जायो। मख'नो गोनांदि, दिने खुंनय फाइनाल गेलेनायाव सालबारि जिल्ला गेलेमु आफादआ कक्राझार जिल्ला गेलेमु आफादखौ 3-1

उनाव चैम्पियन हान्जानो नोगोद 50 रोजा रं आरो ट्रिप, रनासंआप हान्जानो नोगोद 25 रोजा रं आरो ट्रिप, साबसिनथार (□ 6 बिलाइआव)

## भारत-भुटान फोनांजाब 127 ( सि ) नं माहारियारि राजा लामानि फिन लुफामफिन्नाय खामानिखौ बेखेवबाय



बासुगाव, 29 जानुवारि: चिरां जिल्लानि भुर टिनालीयाव दिने भारत-भुटान फोनांजाब 127 (सि) नं माहारियारि राजा लामाखौ फिन लुफामफिन्नायनि खामानिखौ बेखेवबाय। रुनिकातानि भुर टिनालीनिक्राय भुयननि गेलेपु सहरसिम गासै

16 कौटि रं बाहायनानै गासै 25 किल'मिटर गोलावथिनि माहारियारि राजा लामाखौ फिन लुनाय खामानिखौ राइज्यो सभानि एमपि रेनगोर नाजरीआ

बेखेवनाय होयो। बेखेवनाय हाबाफारियाव कक्राझार लकसभा बियाबनि एमपि जयन्त बसुमतारि, चिदलीनि एमएलए निर्मल कुमार ब्रह्म, बिटिसिनि मावफु' सोद्रोमा रन्जित बसुमतारि, इउपिपिएल दोलोनि दैदेनगिरि अमरसिं ब्रह्म, बिरदाव मुसाहारि, टिकादार राउ बसुमतारिमोनजों लोगोसे माखासे हांखायहरजानाय आलासिफोरा बाहागो लाफैदों। मख'नो गोनांदि, चिरां (□ 6 बिलाइआव)

## तामुलपुरआव लकप्रिय गपिनाथ बरदलै ट्रिपी-2025 खुदों



तामुलपुर, 29 जानुवारि: तामुलपुर जिल्ला सदरआव थानाय तामुलपुर गोजौसिन गेजेरारि फरयसालिनि गेलेग्रा फोथाराव दिनेनिक्राय लकप्रिय गपिनाथ बरदलै ट्रिपी फुटबल बादायलायनाय जागायजेनबाय। आसाम गेलेमु आरो लाइमोन अन्साय बिफाननि बान्जायनायाव गुवाहाटी गेलेमु आफाद आरो तामुलपुर जिल्ला गेलेमु आफादनि हेफाजाबआव दिनेनिक्राय 11 फेब्रुवारिसिम 70थि भारत ख लकप्रिय गपिनाथ (□ 6 बिलाइआव)

## गलागाव आन्सलिक बाथौ धोरोम गौथुमनि खुंगा 50थि मागो मेलाया सोलिगासिनो

बड'सा थान्दै/सिमला, 29 जानुवारि: बाकसा जिल्लानि गलागावआव सानबानि हाबाफारिजों मैयानिक्राय खुंगुजादों 2थि मंगलबार गोथार बाथौ सानजों लोगोसे खुंगा 50थि सनाथि मायथाइ मागो मेला फोर्बोआ। बाकसा जिल्लानि मुसलपुर महकुमानि बेन्दोंनि सिमला पुलिस थानानि सिडव थानाय गलागाव बाजाराव गलागाव आन्सलिक बाथौ धोरोम आफादआ मैयानिक्राय सानबानि गुबुन गुबुन हाबाफारिफोरखौ लानानै 2थि मंगलबार गोथार बाथौ सानजों लोगोसे खुंगा 50थि



सनाथि मायथाइ मागो मेला फोर्बोखौ गाजा-गोमजायै खुंगुगासिनो दं। गुबुन गुबुन आयदानि दिन्थिफुंनय जेरै-हाथाइसालि दिन्थिफुंनय, नाव-जावनाय, गराइ गाखोनाय, मोसानाय, मेथाइ रोजाबनाय हाबाफारिजों सोलिगासिनो दं। मख'जाथावदि, दिनेनि नैथि हाबाफारियाव सानजौफु समनिक्रायनो गेवलां मेलनि हाबाफारिया सोलिबाय थादों। बे गेवलां मेलखौ आलासि महरै बाहागो लाफैनानै बेखेवनानै होयो मिरु माइनाव आफाद बाथौ गौथुमनि लोगो बुंथिगिरि लिला बसुमतारिआ। गाहाइ (□ 6 बिलाइआव)

## आसाम आयेन आफादनि बुंथिगिरि बिस्वजित दैमारिआ

बड'सा थान्दै/गरेस्वर, 29 जानुवारि: आसाम आयेन आफादनि बुंथिगिरि बिस्वजित दैमारीआ नावकाता सुक्लाय दैमानि रुगुख थानाय बालाफारा गामि खुरखानायखौ होबथानो थाखाय पारक'पाइन बिथाखि बेखेवदों। तामुलपुर जिल्लानि सिडव थानाय सुक्लाय सेरफां बियाबनि बेन्दोंआव थानाय नावकाता हालामनि बालाफारा गामिया बोसोरफोमबो सुक्लाय



दैमाजों गामिनि गोबां नख'रफोरा जानाबेदों। गामिखौ दैजों हा खालामनो थाखाय आसाम (□ 6 बिलाइआव)



## सुजुगिरिनि खोलोम

### रुजुथायनि दावहा

थानाय गोलाव समनिफ्रायनो बिटिसि बिसायख'थि खुंगोनखौ लानानै ओन्सोलारि राजखान्थि दोलोफोरनि गेजेराव सांग्राथिजो लोमोसे साखा-फाय जानायखौ नुनो मोनबोदोमोन। सान्नाय सौफेदोमोन बिटिसि बिसायख'थिया सावरायनाय बादिथैने मार्स-एप्रिल दाननि गेजेराव खुंजागोन। सरसन्नायै जायखि-जाया बिसायख'थिखौनो बे दान मोनैनि गेजेराव खुंबोनायखौ नुनो मोन्नाय जायो। बेखौ लानानैनो दोलोफोरा सांग्राथियै साखा-फाय जानायखौ नुनो मोन्नाय जादो। बेराफासै सोलिफु बिटिसि सरकारनि माव बुब्लियाबो बोसोरबा जानायलाय बे बोसोरबनो बिसायख'थि खुंनायनि सम फेगोन। बे गासैबो थासारिखौ नोजोर होनातै माखासे दोलोफोरा माखासे सान सिगांनिफ्रायनो बिजाथि आजावनाय, आर'ज लाइ गथायनाय बादि हाबाफारि लानाय नुनो मोन्नाय जादो। नाथाय फैथै-फैथै सिगांनि सान्नाय बादिथै थाडलासे बिटिसि बिसायख'थिखौ फेगो सेफेन्बर दाननि जोबथा अक्टनि गेजेराव खुंनायनि थांखि लानायखौ नुनो मोन्नाय जादो। जॉनि हादतआव बोसोरबा माव बुब्लि जोबनायनि उनावनो एबा बेनि सिगांबो सुबुं आफाद, राइज्यो आफाद, बिधान सभा, अट'नमास काउन्सिल आरो बाइदिसिना फसथानफोरनि थाखाय बिसायख'थि खुंनाय जायो। दासान्दि बिटिसि बिधान सभानि बिसायख'थिखौ लानानै जॉनि हालामनि दरफोमबो बियावफोरवनो बिसायख'थिनि बार बारहानायखौ नुनो मोन्नाय जादो। फेगो बे बिसायख'थिखौ लानानैने देदेनगिरिफोरा गेवलाडे बिसायख'थियारि फोसावदि होयाखेब्लाबो बाइदिसिना हाबाफारिनि गेजेरजो फोसावदिनाय जागायनायखौ नुनो मोनहांदो। साबसिन खुंथाय, जौगालु हाबा लाबोनायनि बाश्रा होदो, खायफाया राइजो-राजा भटरफोरखौ गोसो बोनो नांथाबदो। दासान्दि जिस्त्रि बोसोर खुंथाय आरो बोसोरबा खुंथाय सामलायनायाव बबे दोलोया बेसेबा जौगालु खामानि मावनो हादो बेखौ लानानैबो रुजुलायनाय नुनो मोन्नाय जादो। जौगाथाय हाबा मावनाय आरो ओन्सोलाव गोजोन गायसन्नायनि रुजुथायखौ हालामाव थानाय गासैबो थाखोनि हारिफोरनि सुबुंफोरसो बिजिरनानै होनो हागोन। बेखौ दाबिनानै लानो हानाय नडा। राजखाथियाव जाथावै गैया, मावनाय-मावैनि आरो जौगाथाय लाबोनाय-लाबोयैनि रुजुथाय लाबोनायाबो राजखान्थिनो मोनसे मोनसे सोलोखान्थि आरो हाथियारबो जानो हागो दोलोफोरनि थाखाय। बिसायख'थिनि सम फेथोब्ला राइजो-राजाफोरनि खाथियाव फेनाया राजखान्थि दोलो आरो देदेनगिरिफोरनि खामानि जायो। बिसायख'थि फोबोया जोबनानै थाडेब्ला बोसोरबानि गेजेराव खेबबा दावबायफेनानै राइजो-राजा भटरफोरनि मोन्नाय-मोनै, दुखु-सुखुखौ सुलाद लाफेनायनि सम दिहुनो हाथैनि सम सम राइजो-राजाफोरनिफ्राय अजद होनायबो नुनो मोनो।

थानाय माखासे समनि सिगां 'बर' राजखान्थिखौ खौसेयाव लाबोनाय बिटिसि बिसायख'थि गेलेहोनायनि जाथोसे बार बारबोदोमोन जॉनि हालामाव। बे बारआ थानाय चिदली बियाबनि उफ्रि बिसायख'थिनि उननिफ्रायनो गुबुन फासै बारलानानै सिरि जालानाय नुनो मोन्नाय जादो। खौसे जानानै ज'थै बिटिसि बिसायख'थि गेलेनायनि थासारि सोजिनांगोया सान्नाय बादि गोलै हाबा जानो हाया। सान्नाय-हनानयनिफ्राय लानानै गासैबो बिथिआवनो गोरोबलायनाय सौफेथोब्लासो खौसेये लोमो नानानै ज'थै बिसायख'थि गेलेनायनि बाश्राया सानजाथाव जानो हागो। नाथाय आथिखालनि थासारिखौ नुनोब्ला खौसे फेगोनखौ गोजान नुहरो। बेनि सोलायै गोखो बादयलायनो जान्जि खामानाय थासारिसो नुनो हागो होनातै सान्ना गोनो आलादा आलादायै गेलेयो बेयो दोलोफोरनि गावबा-गावनि सान्नाय आरो थांखिनि सायावसो सोनारनाय।

थानाय माखासे समनि सिगां 'बर' राजखान्थिखौ खौसेयाव लाबोनाय बिटिसि बिसायख'थि गेलेहोनायनि जाथोसे बार बारबोदोमोन जॉनि हालामाव। बे बारआ थानाय चिदली बियाबनि उफ्रि बिसायख'थिनि उननिफ्रायनो गुबुन फासै बारलानानै सिरि जालानाय नुनो मोन्नाय जादो। खौसे जानानै ज'थै बिटिसि बिसायख'थि गेलेनायनि थासारि सोजिनांगोया सान्नाय बादि गोलै हाबा जानो हाया। सान्नाय-हनानयनिफ्राय लानानै गासैबो बिथिआवनो गोरोबलायनाय सौफेथोब्लासो खौसेये लोमो नानानै ज'थै बिसायख'थि गेलेनायनि बाश्राया सानजाथाव जानो हागो। नाथाय आथिखालनि थासारिखौ नुनोब्ला खौसे फेगोनखौ गोजान नुहरो। बेनि सोलायै गोखो बादयलायनो जान्जि खामानाय थासारिसो नुनो हागो होनातै सान्ना गोनो आलादा आलादायै गेलेयो बेयो दोलोफोरनि गावबा-गावनि सान्नाय आरो थांखिनि सायावसो सोनारनाय।

## दिनैनि फान्जामुथि

**राशि बाइदियै मुनि गिबि हांखो**  
**मेघ :** अ ल **बृष :** ऊ ब (उ ए इ) **मिथुन :** क छ (ड घ)  
**कर्कट :** ड ह **सिंह :** म ट **कन्या :** प ठ (ण ष)  
**तुला :** त र **वृश्चिक :** ब न **धनु :** ध भ (ङ फ)  
**मकर :** ख ज **कुम्भ :** ग श (स) **मीन :** द च (ख ज झ)

- मेघ:** सोलौंथायाव जौगालानो हागोन। फारफोमथिबो मोजां। गोजोन मोनगोन।
- बृष:** बबेबा खामानि मावनायाव हेंथा मोनो हागौ। सान्नाया जाफुनाय नडा। गोसोखौ हमथा।
- मिथुन:** जेखि मावा फालांगियाव मुलाम्फा मोनो हागोन। गोसोखौ गोजोन मोनगोन।
- कर्कट:** नख'रआव मावाफोर जेना नुजानो हागौ। दावराव दावसिफोर जानो हागौ। गोसोखौ हमथा।
- सिंह:** फालांगि मावनायाव खहाफोर जानो हागौ। जेखि मावा सांग्रा जानानै थानांगोन।
- कन्या:** नख'रनि दोहोन-दौलदफोर बांलांगोन। जैबो गोजोन मोनो हागोन। मोजां सान।
- तुला:** सोरबा आंगोनि सुबुंजो सोमोन्दो गावसालायनाय जानो हागौ। जेखि जाया गोसोखौ हमथा।
- वृश्चिक:** जैरेबो गोजोनायखौ मोनो हागोन। फारफोमथिबो मोजां।
- धनु:** बायदिसिना रोखोमनि सुजुग-सुबिधा मोनो हागोन। बे राशनि थाखाय मोजां सान।
- मकर:** मावा मोनसे खहा जानो हागौ। गोसोखौ शान्ति मोन्नाय नडा।
- कुम्भ:** देहा-सावसिआ मोजां जानाय नडा। गोसो हमथानानै सोलिनांगोन।
- मीन:** सोरबा आंगो लोमोजो सोमोन्दो गावसालायनाय जानो हागौ। जेखियानो जाया गोसोखौ हमथा।

# मैसो सौलायनायखौ मदत खालामग्रा आसामनि मन्थ्रिनि हेंथायै सुप्रिम कर्टयाव अजदलाइ थिसन्दो

**गुवाहाटी, 29 जानुवारि:** खौरांगिरि दिलिप नाथआ आसामनि राइज्योयारि सावसि आरो सहरारि बिथिनि मन्थ्रि जयन्त मल्ल बरुवानि हेंथायै गाहाइ आलासि महरे मैसो सौलायनाय हाबाफारियाव बाहागो लानो थाखाय भारतनि सुप्रिम कर्टयाव मोनसे अजदलाइ थिसनो। मानोना गोब्राबे जुनातफोरनि दावहा नांहोनायनि सायाव कर्टनि होबथानायखौ नेवसिगारदोमोन। थानाय 15 जानुवारियाव बरुवाआ शिबसागर जिल्लानि रंघरआव मैसोनि दावहाखौ बेखेवनाय हाबाफारियाव बाहागो लायो।



बबेखानि जुनातफोरनि 2024 नि 17 डिसेम्बरव गुवाहाटी गोर्जो बिजिरसालिनि सुप्रिम कर्टनि बिथोन आरो बिथोन होसेयावबो मैसो आरो बुलबुल दावनि सौलायनाय

हाबाफारिखौ नुनो थाखाय आसाम सरकारनि सालायनाय हाबाफारिखौ होबथासेयावबो बेखौ खुंनाय जायो। कमलनाथनि अजद लाइयाव दाबि दैखानाय बायदिल्ला, बे हाबाफारियाव मन्थ्रि बरुवानि बाहागो लानाया सुप्रिम कर्ट आरो गुवाहाटी हाइ कर्ट मोनैनिबो बिथोनफोरखौ रोखायै सिफायनाय जादो। मन्थ्रिआबो गावनि बिबुंथियाव बिजिरसालिनि बिथोनफोरखौ नेवसिगारनानै बे हाबाफारिखौ खुंदोमोन होना सिमान लायो।

## महाकुम्भनि खारग्लुं-खारसियाव आसामनि सासे फालांगिरिनि जिउ खहा



**प्रयागराज, 29 जानुवारि:** कुम्भ मेलायाव मोनसे दुखुनांथाव जाथायाव मौनी अमाबैस्यानि हराव गोथार दुगैनाय हाबाफारिनि समाव सोमजिनाय खारग्लुं-खारसियाव आसामनि सासे धोरोमारि दावबायारिनि जिउ गोमायो। धुगिनांग्राखौ हाइलाखान्दिनि सासे गाहाइ फालांगिरि आरो बयजोबो अन्सायजानाय मिठाइनि गला 'अ स्वीटस' नि बिगोमा निति रन्ज पाल महरे सिनायथि होदो। पालआ कुम्भ मेलायाव गोथार हाबाफारियाव बाहागो लानो थाखाय थादोमोन, बेयावनो बे जाथाया जायो। बिबानगिरिफोरा बेबायदि जाथायफोरखौ होबथानो थाखाय थासारिखौ नायबिजिरगसिनो दड। प्रयागराजआव महाकुम्भनि समाव खारग्लुं-खारसि बायदि थासारिनि उनाव गाहाइ मन्थ्रि नरेन्द्र मदिआ बुधबारखालि उत्तर प्रदेशनि गिबि मन्थ्रि यगि आदित्यनाथजो 1 घन्टनि गेजेराव खेबने सावरयो। गाहाइ मन्थ्रिआ बेनि थासारिनि सायाव नोजोर लाखिदो आरो थाबैनो हेफाजब होनाय राहाफोर खालामनो खावलायो। नख'र मन्थ्रि अमित शाहआबो उत्तर प्रदेशनि गिबि मन्थ्रिजो सोमोन्दो लाखियो आरो मिरुनिफ्राय मदत होनो खोथा होयो। गिबि मन्थ्रि यगि अ। दि. त. य. न। थ. अ। सिबियारिफोरखौ संगम घाट फारसे खारनायनिफ्राय जासागरव थानो आरो गंगानि सेराव गुबुन गाथोनफोरारव थब्ल'नो खावलायो। बिथाडा सिबियारिफोरखौ गोजोन थासारि लाखिनानै खुंथायनि बिथोनफोरखौ फालिनो आरो नंखाय खौरां गोसावरोनायनि सायाव नोजोर होयैनि बोसोन होदो। बेराफारसे धोरेम गुरुफोरबो सांग्रा जानो खावलायदो।

## महाकुम्भआव खारग्लुं-खारसि सोमजिनायनि सायाव हादतगिरि द्रौपदी मुर्मुआ दुखु मोन्नाय फोरमायदो

**प्रयागराज, 29 जानुवारि:** उत्तर प्रदेशनि प्रयागराजआव थानाय बुधबारखालि फुडव महाकुम्भनि समाव जानाय खारग्लुं-खारसि जाथायनि सायाव हादतगिरि द्रौपदी मुर्मुआ दुखु मोन्नाय फोरमायो। बिथाडा बेखौ दुखु नांथाव जाथाय होना फोरमायो आरो जोखोम जानाय सिबियारिफोरनि नख'रफोरनि फारसे दुखु मोन्नाय फोरमायो। हादतगिरि मुर्मुआ जोखोम जानाय सिबियारिफोरनि गाहाम सावसिनि थाखाय आर'ज गाबो। गाहाइ मन्थ्रि नरेन्द्र मदिआबो महाकुम्भनि समाव जानाय खारग्लुं-खारसि जाथायखौ दुखु नांथाव होना फोरमायो। मदिआ सुबुंफोरनि जिउ गोमानायनि सायाव दुखु मोन्नाय फोरमायनानै बुडोदि, बिथाडा उत्तर प्रदेशनि गिबि मन्थ्रि यगि आदित्यनाथजो सावरयो आरो बिथो लाखियै राइज्यो सरकारजो सोमोन्दो लाखिदो। सुलुडव फोरमायनाय बायदिल्ला, मौनी अमाबैस्याआव अमृत स्नान महाकुम्भखौ मख'जाथावै खुंनाय जायो आरो बेयाव गासै



100 कौटि सुबुंफोरा गंगायाव थब्लदो होना सन्देह खालामदो। बेयाव थानाय बुधबार फुडव खारग्लुं-खारसि थासारि सोमजिनायनि उनाव एन्बुलेन्स आरो पुलिस गारिफोरनि गोखो सायरन दामनायनि सोदोबफोरजो रिखाडे। जोखोम जानायफोरखौ मेला ओन्सोलाव आरो बिसोर मुक्थि मोनो।

**NAME CORRECTION**

That, my actual / correct name and surname is **RANJITA BORO**, which is recorded in my PAN Card, Vide Card No.- **APSPB9370B**, Aadhaar Card, Vide Card No.- **2788 8649 6670** and other relevant documents.

That, in the Land Holding Certificate, covered by Dag No.- 322, Patta No.- 187, situated at Village- Narabari under Kokrajhar Revenue Circle, Dist. Kokrajhar, BTR, Assam, wherein my name and surname has been recorded as **RANJIT BORO** instead of **RANJITA BORO**.

That, I do hereby declare that both the named **RANJITA BORO** and **RANJIT BORO** is the same and one identical person, who is none other but myself.

**Ranjita Boro**  
**W/O. Manoj Kumar Brahma**  
**Vill.- Gwjwmpuri**  
**P.O., P.S. & Dist.- Kokrajhar, BTR, Assam**  
**PIN- 783370**

## आसामनि डिजिपि जिपि सिंहआ आजिरा लाबाय

**गुवाहाटी, 29 जानुवारि:** आसामनि आथिखालनि पुलिस गाहाइ बिथोनगिरि (डिजिपि) सिपि सिंहआ राइज्योनि सुबुंफोरनि फारसे साबायख'र बाउनानै ब्रैथि आसाम पुलिस बेलियानआव मोनसे पेरेडनि समाव दुखु जाना बिदाय लायो। गावनि हाबा मावनाय समनि सायाव सिंहआ बुडोदि, जुदि आसामनि सुबुंफोरा आंखौ राइज्योनि गुन गोनो फिसान्ला महरे गनायोब्ला आंखौ मान होगोन। बेनि गेजेरजो आसामनि गिबि मन्थ्रि उ. हिमन्त बिश्व शर्माआ सिंहनि बिहोमा होनायखौ बाख्नायनो थाखाय सशेल मिडिया प्लेटफर्म एक्सनि मदत लायो। गिबि मन्थ्रिआ सिमान लायोदि,



सिंहनि दैदेनायाव आसामाव लोमोसे मख'जाथाव खुंनाय थखाय हामलायनो बिनि न'आव दावबायहैयो। गावनि बिदायनि बिबुंथियाव जिपि सिंहआ आसाम पुलिसनि बिबानगिरि जवान आरो मावसुमाफोरनो साबायख'र बाउवो।

## 13 कि:ग्रा: गोथां आफिंजो लोमोसे स्मग्लार हमदो



**इम्फल, 29 जानुवारि:** मणिपुर पुलिसआ मंगलबारआव इम्फल सोनाब जिल्लायाव गंसे मन्दिनि साखाथियाव खालामनाय अपारेशनाव गोथां आफिंनि सन्देह गोनो स्मग्लारखौ हमो आरो

बिनिक्रय 13.2 कि:ग्रा: होबथाजानाय मुवाबो बोखानो मोनो। पुलिसनि मोनसे रिपटआव बुंनाय जादोदि, बै स्मग्लारनिफ्राय 2.03 कि:ग्रा: गोथां आफिं, (कानी) बोखानो मोन्दो, जायनि बेसेना बाजारव 20 लाख रं। गंसे साखा खबत्रै गारि आरो गंसे मबाइल हेन्डसेट बोखानो मोन्दो। संगालि खौराडव राइज्योनि आफिं स्मग्लिं खालामनो नाजादोमोन होना मिबथिनो मोना मणिपुर पुलिसआ मोनसे सन्देह खालामथाव जायगायाव सिग्रोमदोमोन। बेयावनो आफिं आरो स्मग्लारखौ हमनो मोनो। पुलिसआ हमनो मोन्नाय सुबुंखौ सोनाब इम्फलनि कांलाटबि मन्दिनि अनिल क्टवाल (27) होना सिनायथिनो हादो। बिजो लोमोआव गोथां आफिंनि मोन 13 पेकेटफोरबो मोनफादो, जायनि लिस्थया 13.2 कि:ग्रा: मोन।

**NAME CORRECTION**

That, my actual / correct name and surname is **MAMILAL BASUMATARY**, which is recorded in my Aadhaar Card, Vide Card No.- **5500 0250 6981**, PAN Card, Vide Card No.- **HCBPB1901B** and other relevant documents.

That, in my Land Holding Certificate / Land Records, covered by Dag No.-.... Patta No.- 451, situated at Village- Dimalgaon under Kokrajhar Revenue Circle, Dist. Kokrajhar, BTR, Assam, wherein my name and surname has been recorded as **MWNHASOWI BASUMATARY** instead of **MAMILAL BASUMATARY**.

That, I do hereby declare that **MAMILAL BASUMATARY** and **MWNHASOWI BASUMATARY** is the same and one identical person, who is none other but myself.

**Mamilal Basumatary**  
**S/O. Harimohan Basumatary**  
**Vill.- Hasraobari**  
**P.O.- Rafalbil**  
**P.S.- Serfanguri**  
**Dist.- Kokrajhar, BTR, Assam**  
**PIN- 783346**



# महाकुम्भनि जात्रथायखौ गाहाइ मन्त्रि मदिआ दुखु फोरमायदों

गोदान दिल्ली, 29 जानुवारी: उत्तर प्रदेशनि प्रयागराजआव सोलिंगासिनो थानाय महाकुम्भआव दिने फुनि समाव जानाय गावजों गाव खारला-खारसि जानायखौ मिरु नख'र मन्त्रि अमित शाहआ दुखु मोन्नाय फोरमायदों। बिथाड एक्सआव लिरदों, महाकुम्भआव दुखुनांथाव जात्रथाय जानायखौ खौरां मोन्नाय जोबोद दुखु मोन्दों। बैयाव जाय सुबुंफोर आंगोफोरखौ खोमानादों बिसोरनि फासैं गोथौ दुखु मोन्नाय फोरमायो। इसोरआ बिसोरनो दुखु सहायनो हानायनि गोहो हरदों। खुंथाया जोखोम जानायफोरखौ फाहामसालिआव थिसन्नाय



पाहामथाय होदों। म ख 'जा था व दि, महाकुम्भआव दिने फुनि समाव माबेबा जाथाय एबा खोनानाय बाध्राखौ लानानै गावजों गाव खारला-खारसि जादों मोन, जेराव गोबां

# सुबुंखान्थि सानआव उत्तर प्रदेशनि हान्जाया पिपुल्स चइस एवार्डआव गिबि जायगा मोन्दों

गोदान दिल्ली, 29 जानुवारी: भारतआव थानाय 26 जानुवारीआव 76 थि सुबुंखान्थि सानखौ गाजा-गोमजायै फालिनाय जादों। बे सानआव पेरडबो खुंनाय जादों, जेराव भारतनि गुबुन गुबुन राइज्योफोरा बाहागो लायो आरो गावसोरनि हान्जाफोरखौ दिन्थिफु डो। सुबुंखान्थि साननि पेरडनि उनाव पिपुल्स चइस एवार्डआव उत्तर प्रदेशनि हान्जाया गिबि जायगा मोननो हादों। उत्तर प्रदेश सरकारआ फोरमायदोंदि, सुबुंखान्थि साननि पेरडआव उत्तर प्रदेशनि हान्जाया 25,007 भट एबा 40 जौखोन्दो भटजों



लोगोसे पिपुल्स चइस एवार्डआव गिबि जायगा आवग्रिनो हादों। उत्तर प्रदेशनि हान्जाया महाकुम्भनि नुथायखौ

दिन्थिदों मोन आरो गोरबलायनायखौ मुलुगआव प्रयागराजआव गंगा, यमुना आरो सुबुंथिनि बयनिखुइ देरसिन सरस्वतिनि गोथार जुथायखौ दिन्थिदों मोन। बे

## मणिपुरनि भारत-म्यान्मार सिमनायाव गुलि गावज्जायनायाव सा 11 उतखारिफोरनि जिउ गोमादों



इम्फल, 29 जानुवारी: भारत-म्यान्मार सिमनायाव सिमना खुन्थिया नं 87 नि साखाथियाव 27 जानुवारीखालि गुलि गावज्जायनाय जादों मोन, जेराव खमैबो सा 10 उतखारिफोरनि जिउ गोमादों मोन आरो गोबां जोखोम जादों मोन। खौरां


पेरडआव उत्तर प्रदेशनि हान्जाया अमृत कलशजों लोगोसे बोहैनाय अमृत धाराखौबो दिन्थिदों मोन। बैयाव ऋषि-मुनीफोरनि फुजिनाय आरो सिबिनायखौ दिन्थिदों मोन। बेराफासैं साधु आरो सिबियारिफोरखौ दैयाव थल्ल 'नायबो दिन्थिदों मोन। लोगोसे बैयाव महाकुम्भनि धोरोरमारि आरो जारिमिनारि मख 'जाथावफोरखौ सावगारि बोदों मोन आरो लैथोमा मन्थननि गोदो गोदायनि स ल 'खौ बौ फोथार्थिफेदों मोन।

गावज्जायनाया गोबां खहा जादों होना मिबथिनो मोन्दों, जेराव थैनायफोरनि अन्जिमाया सा 11 जाहैयो आरो गोबां जोखोम जायो। बे गुलि गावज्जायनाया 40-50 मिनिटसिम सोलिदों मोन। उनाव बै ओन्सोलाव खना-खनला सिग्रोमनाय जायो, जेराव हाथियार आरो गुलि-बारुद बोखानो मोनो। लोगोसेनो बे समाव सा 11 उतखारिफोरनि गोथै हस' बोखानो मोनो। गं 3 एके, गे 4 एसएलआर, गनै इंसास, 01 आरपिजि, पाम्प एक्शन गान, बिपि हेलमेट आरो मेगजिन बोखानो मोन्दों मोन।

## 100थि लन्चिंजों इसर'आ गोदान जारिमिन सोरजिदों

गोदान दिल्ली, 29 जानुवारी: भारतनि अखंमा संदानग्रा अफाद (इसर') आ मोनसे गिदिर जाफुंसार जानो हादों। बुधवार फुनि 6:23 रिगायाव श्रीहरिकटा, अन्ध्र प्रदेशनिफ्राय इसर'आ गावनि 100थि मिशननि गेजेरजों जिएसएलभि-एफ 15 स्केटखौ जाफुंसार महरै लन्च खालामो। बे मिशनआ भारतयारि

बिगियानगिरिफोरनि गोखों नाजानाय आरो गोखों टेक्नीकनि बिदिन्थिल' नड, बेयो मोनसे गिदिर लेण्डमार्क बो। बे लन्च खालामनायजों लोगोसे भारतनि नेभिगेशन सिस्टेमखौ लामायाव मोनसे मख 'जाथाव आगान बारायनाय। खौरांनि




रिपर्ट बायदिब्ला, जिएसएलभि-एफ 15 आ भारतनि जियसिंक्रन्स सेटेलाइट लन्च व्हीकल (जिएसएलभि) नि 17थि मिशनमोन आरो 11 खेब बैयाव हादतयारि क्रायजेनिक इन्जनखौ बाहायदों। बे स्केटनि गाहाइ थांखिया एनभिएस-02 सेटेलाइटखौ जिअ'रेडिकेल ट्रान्सफार क्लासआव दोनहरनायमोन। इसर'नि बायदिब्ला, बे सेटेलाइटआ भारतनि ओन्सोलारि नेभिगेशन सेटेलाइट प्रग्रामनि बाहागो जागोन, जाय हादतनि थाखाय बांसिन सेटेलाइट नेभिगेशन सिबिथाय होगोन। बे जारिमिनारि समखौ नायनो थाखाय गोबां फरायसाफोरा

लन्चपेडनि साखाथियावनो थानायनि खाबु मोन्दों। इसर'आ आधिखालाव गुबुन हादतयारि सेटेलाइटफोरखौबो लन्च खालामगोन, जायजों हादतआ रांखान्थियारि मुलाम्फाबो मोनगासिनो। फासैंथि बिहारनि अभिनाशाआ गिबि खेब लन्चिंखौ नुनायनि मोन्दांथिखौ शोरार खालामनानै ब्रै बोसोरनिफ्रायनो गाव बे खाबुखौ नेनानै दंमोन आरो थारैनो बेयो जाफुंसार होना बुंदों। इसर'नि स्पेस एप्लीकेशन सेन्टार (एसएसि) नि बिथोनगिरि निलेश देसाइआ फोरमायदोंदि, बे मिशननि गेजेरजों भारतनि नेभिगेशन सेटेलाइट सिस्टेमखौ 4 निफ्राय बांहोना 5 सेटेलाइटसिम फु वारनाय जागोन।

## भारतआव सेटेलाइट फन बाहायनायखौ लानानै ब्रिटेनआ नोगोरारिफोरनो सांग्रांथि होदों

गोदान दिल्ली, 29 जानुवारी: ब्रिटेनआ गावनि नोगोरारिफोरखौ भारतआव सेटेलाइट फन बाहायनायखौ लानानै सांग्रां खालामदों। सुलुंनि बादिब्ला, ब्रिटेन सरकारआ माखासे सप्ताहनि गेजेरवनो नैथि खेब गावनि गासैबो नोगोरारिफोरनो सांग्रांथि



होनानै बुंदोंदि, लाइसेन्स गैयालासे भारतआव सेटेलाइट फन लानानै फैनाय एबा बेखौ बाहायोब्ला बिन सायाव गिदिर जुरिमाना जाबसिन्नायजों लोगोसे हमनोबो हागौ। एफसिडिआ भारतनि थाखाय गावनि सुबुरुननि रैखाथि आरो सैरैखाथि खोन्दोखौ नायसंदों, जेराव बुंदोंदि, ब्रिटेननि सुबुंफोरखौ भारतआव आइन बेरेखायै बैफोर बादि जोन्थोर लाबोनायनि थाखाय हमदों। एफसिडिआनि सार्कुलारआव बुंनाय जादोंदि, भारतआव लाइसेन्स गैया सेटेलाइट फन आरो जिपिएस जोन्थोर लाखिनाय, बेखौ बाहायनाया आइन बेरेखा। भारतजों हाबनानै गुबुन जायगा एबा हादरआव थाडोब्लोबो बेखौ आइन बेरेखा होना गनायथिनाय जायो। एडभाइजरिआव बुंनाय जादोंदि, होबथाजानायनि बेंखनआव गुबुन जोन्थोर एबा दाजेमआबो थाफानो हागौ, जेराव साइक्लिं जिपिएसआबो दंफायो। गनायथि गैयालासे बै जोन्थोरफोरखौ लाखियोब्ला जुरिमाना फोनांजानो हागौ एबा हमजानोबो हागौ।

**ASSAM LEGISLATIVE ASSEMBLY SECRETARIAT**  
\*\*\*\*\*  
**NOTICE**  
No.L.LE.(S.I).08/2023/55

In the forthcoming Budget Session, 2025, a round of extensive discussion has been organized under the segment 'Speaker's Initiative' on the topic "Socio-Economic and All Round Development of Sixth Scheduled Areas of Assam". To discuss various important aspects related to the aforementioned subject matter and to enrich the Hon'ble Members of Assam Legislative Assembly with the information relating to the same so that they can assist the Government in formulating appropriate policies, an interactive session is being organized on 11<sup>th</sup> February, 2025 from 10.00 am to 1.00 pm at Gopinath Bordoloi Bhawan located inside Assam Legislative Assembly Premise. Concerned Stakeholders/Individuals/Organizations included only in the Sixth Scheduled areas may submit their views and suggestions on the topic mentioned above, also individuals who are willing to participate in the programme are requested to submit their names, addresses and contact numbers by 9 February, 2025 to the following e-mail address or ALA Secretariat directly.

Contacts:  
Phone no: 6003994504  
Email- [dulalpegu@ala.gov.in](mailto:dulalpegu@ala.gov.in)  
[assamlegislative@gmail.com](mailto:assamlegislative@gmail.com)

Sd/-  
Secretary,  
Assam Legislative Assembly  
Janasanyog/DF/1843/24/30-Jan-25

No.DA/BTC/K/Acctt-43/2024-25/1402 Date 29/01/2025  
**Tender No. DA/BTC/K/e-Tender/2024-25/34**  
**PRESS NOTICE**  
The Director of Agriculture, BTC, Kokrajhar invites bids through e-Tendering process only from the Firms registered by the Department of Agriculture, Bodoland Territorial Council, Kokrajhar for Supply of Soyabean seed for an amount of Rs. 22.09 Lakh (Rupees Twenty-two lakh nine thousand) only against Implementation of programme NMEO-OS, BTC under Krishnanti Yojana (FNS) for the year 2024-25.  
Details may be seen at [www.assamtenders.gov.in](http://www.assamtenders.gov.in) and also at the office of the undersigned during office hours.  
Sd/-  
Director of Agriculture,  
BTC, Kokrajhar  
IPR(BTC)/C/2024-25/1365

**भारत सरकार, रेल मन्त्रि आफाद**  
रेलवे थिसन्थाइ बर्ड  
मिस्त्राजि साहिब फोसावथाइ (सिइएन) नं.08/2024।  
7थि सिपिसि पे मेडिकसिनि लेपेल 1 आब गोबांथार मासिनि थाखाय थिसन्थाइ  
लेपेल-1 आब गोबांथार मासिनि थाखाय थिसन्थाइ गोनो विजायिफोरनिफ्राय आर'ज बिलाइ हांथायदों। रेखा सिइएन 08/2024 खौ आर'जविनि मावखुलि वेवसाइटफोरव आपलड खालामनाय जागोन आरो आर'ज बिलाइनि अनलाइन गथायनायखौ लाइभ होनाय जागोन। आर'ज बिलाइफोरखौ (गासै आयदायाव) अनलाइननि गेजेरजों जमा होनागोन।  
आर'ज बिलाइनि जागायनाय अक्ट :23.01.2025  
आर'ज बिलाइ गथायनायनि जोबथा :22.02.2025  
बेलासिनि 23:59 रिगा

मासिनि मुं	जागायनाय मासुल (रं)	मासि हिंसावे सोल्लोथाइनि हांरोथाइ आरो मेडिकेल स्टेनडाई	बेसो (01.01.2025 सिमाव)*	गासै मासिफोर (गासै रेलवे)
7थि सिपिसि पे मेडिकसिनि लेपेल 1 आब गोबांथार मासि	18000	रेखा सिइएनखौ एनेक्सर एआव नाय	18-36 बोसोर	32438

रेलवे जन-हिंसावे मासि गनायनि रेखा फालिआइखौ सिइएनि एनेक्सर विआव होनाय जादों। सिपिसिनि सिइव मासिफोरनि थाखाय रेलवे फ्रंसंथानआव फोरोंथाइ मोन्नाय बिजायिफोरनि थाखायल'।  
\*कपिड-19 थासांथिनि जाहोनाय थिसन्थाइ वैसोनो सिमाखौ खेवसे रेहाय हिंसावे 3 बोसोरसिम रेहाय खालामनाय जागोन।\*

बांसिन रेखावे मिबथिनो थाखाय रेखा मिस्त्राजि साहिब फोसावथाइ (सिइएन) नं. 08/2024 खौ रेलवे थिसन्थाइ बर्ड (आर'जविनि) नि गाहाय होनाय मावखुलि वेवसाइटफोरव नायनो हागोन।

आर'जविनि आरो रेलवेनि	वेवसाइट थं	आर'जविनि आरो रेलवेनि	वेवसाइट थं
आमेदाबाद (अबलआर)	<a href="http://www.rbmahmedabad.gov.in">www.rbmahmedabad.gov.in</a>	गवल्पर (एनडआर)	<a href="http://www.rbgkp.gov.in">www.rbgkp.gov.in</a>
आमेदाबाद (एनडआर)	<a href="http://www.rbmjmr.gov.in">www.rbmjmr.gov.in</a>	गुवाहाटी (एनएफआर)	<a href="http://www.rbguwahati.gov.in">www.rbguwahati.gov.in</a>
बंगलूर (एसडीबिआर)	<a href="http://www.rbbnc.gov.in">www.rbbnc.gov.in</a>	कलकता (इआर)	<a href="http://www.rbkolkata.gov.in">www.rbkolkata.gov.in</a>
भुवाल (अबलआर)	<a href="http://www.rbbhopal.gov.in">www.rbbhopal.gov.in</a>	मुम्बई (सिआर)	<a href="http://www.rbmumbai.gov.in">www.rbmumbai.gov.in</a>
भुवनेश्वर (इसिआर)	<a href="http://www.rbbbs.gov.in">www.rbbbs.gov.in</a>	पलन (इसिआर)	<a href="http://www.rbbpalsna.gov.in">www.rbbpalsna.gov.in</a>
बिलासपूर (एनडआर)	<a href="http://www.rbbilaspur.gov.in">www.rbbilaspur.gov.in</a>	प्रयागज (एनडआर)	<a href="http://www.rbbprg.gov.in">www.rbbprg.gov.in</a>
चण्डीगड (एनआर)	<a href="http://www.rbbcdg.gov.in">www.rbbcdg.gov.in</a>	चन्नै (एनडआर)	<a href="http://www.rbbchennai.gov.in">www.rbbchennai.gov.in</a>
चेन्नै (एनआर)	<a href="http://www.rbbchennai.gov.in">www.rbbchennai.gov.in</a>	चेन्नै (एनडआर)	<a href="http://www.rbbchennai.gov.in">www.rbbchennai.gov.in</a>

वे फोसावथाइआ आबुडे सरसन्ना खाथि। अनलाइन रहानि गेजेरजों आर'ज बिलाइ गथायनायनि सिगो बिजायिफोरखौ गाव-गावनि हांरोथाइनि फालिआइखौ सिइएन 08/2024 आब नायनानोन। गोजीआव मख 'नाय थिसन्थाइजों लोका थानाय जायनि-ज्या गोरोथि फोसावनाय/फावसनाय/गोनो फोसावनायफोरखौ गोजीआव होनाय आर'जविनि वेवसाइटफोरव' सम बावदिये होनाय जागोन।  
नं. आर'जविनि/पिआर'जविनि/एडिपिड/सिइएन-08/2024  
फोसावथाइ नं. 05/2025  
मासिनि, रेलवे थिसन्थाइ बर्ड  
दालाल, थगायग्रा आरो साहिब फालांथि खालामग्राफोरनिफ्राय सांग्रां जा

**साहित्य अकादेमि बान्या 2025**  
2025 माइथायनि साहित्य अकादेमि बान्यानि थाखाय गासै मोज 24 भातरारि याव तिरजाय बारारि तिरजिफोर, तिरजिथिनि गाडाम डास्यायगिरिफोर आरो बिजाव फोसावगिरिफोरनिफ्राय साहित्य अकादेमिया बिजाव हांथायदों। बिजाव मिबिथिने 2019, 2020, 2021, 2022 आरो 2023(थागदिनबा 1 जानुवारी 2019 डिफ्राय 30 डिसेम्बर 2023 नि गेजेरव) येफखानाय जानो नांगोन। बान्यायाव मगेन्टजों लोगोसे ये ताख यां थागोन आरजलाइजों लोगोसे गांसे बिजाव फौगों 2025 माइथायनि 28 फेब्रुवारीसिमाव मोजनाय बाटिये जौनि थडाव दैथायदरजो नांगोन। बान्यानि सोमोन्दै आरो नेमखाथिनि सोमोन्दै आबुडे मिथिनो थाखाय तुबैयोब्ला नोथांगोवहा जौनि वेवसाइट [www.sahitya-akademi.gov.in](http://www.sahitya-akademi.gov.in) वेवदायबो नायनो हागोन।  
Sd/-  
(नेडाथारि)  
साहित्य अकादेमि, गोदान दिल्ली

**ASSAM STATE SCHOOL EDUCATION BOARD**  
DIVISION (Erstwhile SEBA)  
Bamunimaidam, Guwahati-21  
website: [www.asseb.in](http://www.asseb.in) | email: [assebdiv1@gmail.com](mailto:assebdiv1@gmail.com)

Notification No: ASSEB/D-I/EST/AAOR/123/2024/6  
Assam State School Education Board (ASSEB) is inviting applications for the post of Assistant Academic Officer (Bodo) from the eligible candidates. The candidate must have Master degree in Bodo language with minimum 55% of marks from a reputed university with B.EdTM.Ed and at least 7 years of teaching experience. In addition to this the candidate must have Bodo language as subject in Graduation and must have passed HSLC or equivalent qualification in Bodo medium or having Bodo as MIL subject.  
Interested candidates may apply online for the above-mentioned post w.e.f. 27<sup>th</sup> January, 2025. Link for die online application will be available in the official website of Assam State School Education Board, Division -I ([sebaonline.org](http://sebaonline.org)).

The details of the advertisement vide No. ASSEB/D-I/EST/AAOR/123/2024/4 Dated Gmvahti, the 21<sup>st</sup> January, 2025, is available in the official website i.e., [sebaonline.org](http://sebaonline.org).

Sd/-  
Secretary,  
Assam State School Education Board  
Division -1  
Guwahati - 21  
Janasanyog/D/12057/24/30-Jan-25

**PUBLIC NOTICE**  
SSA-15015/73/2024-I/909284/2025  
In pursuant to the advertisement published vide SSA-15015/73/2024-ESTABLISHMENT-Sarba Shiksha Abhiyan (SSA) /I/786820/2024 dated 25.10.2024, it is for general information to all concerned that the interview for the post of Electronic Data Processor (EDP) under Samagra Shiksha Axom is mentioned below :

Sl.No	Name of the post	Date of Skill Test	Venue
1	Electronic Data Processor (EDP)	08.02.2025, 10.02.2025 and 11.02.2025	State Mission Office, Samagra Shiksha Axom

The list of short-listed candidates is uploaded in the official website of Samagra Shiksha Axom at <https://ssa.assam.gov.in>  
The date and time slot of the skill test of EDP will be available in the admit card which may be downloaded w.e.f. 28.01.2025 on the website of Samagra Shiksha (<https://ssa.assam.gov.in>)

Sd/- Mission Director  
Samagra Shiksha Axom  
Kahilipara, Guwahati-19  
Janasanyog/DF/1851/24/30-Jan-25



# भारतनि आन्डर-20 आइजोफोरनि फुटबल हान्जाया खेबथाम लोगोयारि मेच गेलेनो थियारि जादों

गोदान दिल्ली, 29 जानुवारि: भारतनि आन्डर-20 आइजोफोरनि फुटबल हान्जाया फेगौ फेब्रुवारि दानआव तुकीनि अन्थल्याआव फिफा इन्टारनेसनेल मेच उइन्ड'नि समाव खेबथाम लोगोयारि मेच गेलेगोन। गाहाइ कच जकिम आलेकजेन्डरसननि दैदेनायाव इयं टाइग्रीसआ सोलिफु समाव बेंगालुरुआव थियारिनि बादायाव मुखुब जानानै दड। भारतनि हान्जाया अन्थल्याआव फेगौ 19 फेब्रुवारिखालि जर्दान, 22 फेब्रुवारिआव हंके आरो 25 फेब्रुवारिखालि रासियाजों मोगा-मोगि जागोन। भारतनि आन्डर-20 हान्जाया गोलाव बोसोरनि थाखाय सोलिफु समाव थाखथियारिखौ गोखोंसिन खालामदों। जेराव फेगौ जुलाइ दानआव भारतनि हान्जाया सेफ आन्डर 20 अमेन सेम्पिनसिप



आरो आगस्ट दानआव एएफसि आन्डर-20 अमेन्स एसियान काप 2026 क्वालिफायरआव बादायगोन। सुइडेननि कच आलेकजेन्डरसनखौ थांनाय 2024 नि डिसेम्बर दानआव अल इन्डिया फुटबल फेडरेसननिफ्राय आइजोफोरनि आन्डर-20 आरो आन्डर-17

नेसनेल हान्जाफोरनि गाहाइ कच महरै थिसन्नाय जादों। बिथाडा गावनि बिबाननि समाव हान्जाखौ गोजौ फार्से लांनो रादाइ होदों। जेराव बिथाडा थांनाय 10 डिसेम्बरखालि बेंगालुरुआव दान मोननै गोलाव आन्डर 20 हायुडारि थियारि बादाजों

गावनि फोरों थायखौ जागायदों। 48 बोसोर बैसोनि कच आलेकजेन्डरसनआ अल इन्डिया फुटबल फेडरेसन आरो सुइडिस फुटबल एस'सिएसननि गेजेराव मोनसे गोरोबथानि बाहागो महरै भारतनि हान्जायाव फेदों।

# स्ट्राइकार नेइमारआ 12 बोसोरनि उनाव ब्राजिलनि क्लबाबजों गेलेसिगोन

ब्रासिलिया, 29 जानुवारि: स्ट्राइकार नेइमारआ सौदि आरबनि क्लब अल हिलालजों सोमोन्दो सिमफायनाय उनाव ब्राजिलनि सन्तष टीमजों गेलेनो थाखाय जान्जि खाफ्राबाय। बिथाडा फ्राय 12 बोसोरनि उनाव बे हान्जानि थाखाय गेलेगोन। जेराव बेनि सोमोन्दे क्लबनि आफादगिरि मार्सेल' तेजेरियाआ ससेल मिडियानि गेजेरजों फोसावदों। अल हिलालआ थांनाय साननैसो सिगां नेइमारजों गावसोरनि रादाइ गोरोबलायैनि जाउनाव सोमोन्दो सिमफायनायखौ रोखा फोरमायदों। मुलुगनि मुंदांखा



गेलेगिरिफोरनि गेजेराव जायगा मोनाय ब्राजिलनि 32 बोसोर बैसोनि नेइमारआ हिलालनि थाखाय खेब 7 मेच गेलेनायाव गरसेल' गल सोदों आरो गरनै गलआव मदद खालामदों। बिथाडा उदैन जेंनानि थाखाय

2023 नि अक्टबर दाननिफ्रायो गेलेनायनिफ्राय जानगारआव थाबोनायनि जाउनावबो बासिलना आरो पेरिस सेन्ट जार्मेनि बारा' गेलेगिरि महरै थांनाय सिजनआव सौदि लीगआव हान्जानि फारिआव

जायगा मोन्दोंमोन। 32 बोसोरनि नेइमारआ सन्तषनि थाखाय मोन 6 बिमुं देरहाबाय। जायनि फारिआव 2011 आव बिथाडा कपा लिबर्तार्डस टूफी देरहानायाबो दड। मार्शल'आ ससेल मिडियानि गेजेरजों नेइमारनि बाहागो जाफिन्नायखौ बरायदों। मख'नाय जायोदि, स्ट्राइकार नेइमारआ 2023 नि आगस्ट दानआव पिएसजिनफ्राय सौदि क्लबआव 9 कौटि इउर' बेसेनआव जइन्ट जादोंमोन। नाथाय बिथाडा उदैन जेंनानि थाखाय गोलाव सम गेलेनायनिफ्राय जानगाराव थाबोन्दों।

# आसामनि गेलेगिरिफोरा ब्रैथि आइपिए नेसनेल्सआव सिलभार आरो ब्रन्ज मेडेल देरहादों



गुवाहाटी, 29 जानुवारि: आसाम पिकलबल एस'सिएसनआ नएडानि बेनेत मुलुग सोल्लोंसालिआव जालांनाय ब्रैथि आइपिए नेसनेल्सनि बादायलायनायाव गिबि खेब बाहागोदरि महरै जाफुंसारनाय मोन्दों। जेराव आसामआ बेयाव जारिमिनारि महरै मेडेल देरहादों।

एस'सिएसननि थान्दै महरै सा 16 सोद्रोमानि हान्जाया हायुडरि थाखोआव गुबुन गुबुन केटेगिआव गावसोरनि रोंगथि, आदोब आरो सांग्रांथिजों दिन्थिफुंनानै राइज्योखौ मुंदांखा खालामदों। बेसमाव आसामनि आइजो एथलीटफोरा 50+ इन्डिभिजुएल केटेगिआव रुफा आरो ब्रन्ज मेडेल देरहादों।

बबिता लांटासाआ हासि बादायलायनायाव गंसे मेडेल देरहादों। बेराफार्से बिथां आरो नाजनिन रहमाननि जराआ जावजा बादायलायनायावबो जाफुंसारनो हादों। बे इभेन्टआव राइज्योफोरनि गोखों हान्जानि गेजेराव गोब्राब सेलेन्ज होज्जलायनायखौ नुनो मोन्दों। नाथाय हायुडरि थाखोआव

गोदानै बाहागो लानाय महरैबो बे समाव आसामनि हान्जाया मोजाडै दिन्थिफुंनो हादों। आसामनि हान्जानिफ्राय गोखोंडै दिन्थिफुंनानै आसाम पिकल बल एस'सिएसननि गोखों नाजानायखौ फोरमानआव लाबोदों। आइपिए नेसनेल्सआव एस'सिएसननि बाहागो लानाया पिकलबलआव आसामनि गोहोखौ दिन्थिफुं'नायनि अनगायैबो गोबां लाइमोनफोरखौ थुलुंगा लाबोदों। बे जाफुंसारनायजों आसाम पिकल बल एस'सिएसनआ इयुननि बादायलायनायाव आरोबाव बांसिनै थान्दैथि आरो रोंगथि दैथायहरगोननि बाथा बुंदों। मख'नाय जायोदि, बे इभेन्टआव आन्डर-12 निफ्राय लानानै 60+ बैसोयारि केटेगिरिसिम गोबां बैसोयारि थाखोनि गेलेगिरिफोरा बादायनो खाबु मोन्दों।

# नों आंनिफ्राय...

जिउनि मोनफ्रोमबो बुब्लिथिं बोहेंदों खुसिनि निजिरा, नोंखौ लानानै बै गाथोनाव जिउनि आगान फोरमायस' हायै समनि दाहारआ नोंनि गुरै खावलायाव, अननायनि बान्दोखौ बोफरलनो बै गाथोननि निजिराया रंजादों।

समजों गोरोबनाय जिउनि देरायाव नोंखौ साननानै, हास्थायनानै समनि दिडि गोबों बिखायाव दादोंमोन निजिराजों बोहेंफानो नाथाय- लोरगि गैयै अननायनि दिडि गोजावबाय, दुखुथिया लैथो जिउ बिखायाव। फोरमायनो हाया जोनोमनि बुब्लि नायगिरना मोना जिउ दिडि लोरगि बोहेंबाय दै देथुनजों मेगननि मोदै, नोंनिनो अननायनि निजिराया

# रंजालि गथ'फोरनि सौरा

## दाहा

दिनै गोसोआ मानिबा दावहायाव लोरबां जादों, गोबोंआव गोसोम थैसाम खादों मेगन थाइनैयाव सिरि-सिरि बोहेंबोदों दुखुनि मोदै हे गसाई..! नों आंखौ, मा खालामनो सान्दों ॥

दिनै आंनि जिउआ रुगुं नागिरब्लाबो मोनाखै, लैथो गेजेरनि लोरगि गैयै दिडि बादि आंनि जिउ हे गसाई! दिनै नों, मा फापनि साजा होखो ॥

जोनोम मोन्दोंमोन आं... आइनि गोबोंयाव गोसो मोदोम जिउ मोजाडै नाथाय! दा लामा ससेआवसो आं मानो.....

बिबि थासारिजों भुगि नाफैखो ? हे गसाई! नोंनिसिम आंनि फिसा आरज, नैबे हावरिया फिसानो गोदान जिउ होफैफिनदो नों गसाई ॥

अनिल ब्रह्म चिरां

## इयुन बिदिन्थि

गोमा लांनायनि हंमायाव गोरबो बिखा सौसिनानै गबोनाय मेगननि मोदैया गुदुं रानस्त्राव बालाबारिजों दिनैबो सोबखां जाजोबाखै दाबो गोसो खांयो दिनथि लांनाय मावथांखि सानसि इयुन बिदिन्थि।

सबिराम बर' राबां, बागसा

## सोलोंसालि

जयसि बसुमतारि (रौता, उदालगुरि)

सोलोंसालि सोलोंसालि फरायसालियाव दं गियाननि बाखि आरो मेगननि बाखि। सोलोंसालि सोलोंसालि धोरामसालियाव दं सिबिनाय आरो गोथारथिनि बावसालि सिबिसालि। सोलोंसालि सोलोंसालि बे बुहुमानो मुलुग सोलोंसालि दं बेयावनो गाबनाय मिनिनाय गासैनिबो सोलोंसालि। सोलोंनांगौआ जोबनानै थाड उदैन सिमा गैया गेदेरनि सिमा गैया बोराइ-बुरैनि सिमा गैया सोलोंसालि सोलोंसालि सोलोंनायानो जिउनि दोंसे राजा लामा।

बोहेंबाय लैथो बिखायाव मोसा-मोसा राइक्षसी महर लाबाय गोसोम जोमैआ बासा लाबाय अननायनि दौलेंआव दुखुनि मोदैजों अखा हाबाय समायना जिउ बुब्लिया आलादिडि गोजाव लांबाय सिमांफुरिआव।

-दिगन्ट लावारी बड'सा राबां भगपुर, बागसा

## आदासन्ना मिजिं

मेगनखौ सोर मा बुंनो हानो नोजोरा बिनि मोहिनीथार लाइमोन नुबोलानो दि आठा सिठा थार गोबोंआ बुडे बिदि दाजाथार। गोसोनि फिसा फिसायैनो मिजिजो रनसायनाय हाबिला जाय गोबोंनि आंगो बियो जेलाबो जुदा जाया ऐ मिजिनि सिमां थादनाय नडबा जागोन सहाय हाया। सानावनो सिमां नुदोंमोन र'जे गुरै रोमैदु रैदोम नोंनिनो महर अन्नायनि दौलेंआव गोबोंआव जेथो नांबाय मानोलायदि बारग हाया गोसो गोबों खंखला जाबाय जेखैबो आंखालसो नुबाय। महरजों खोन्था गैया र'जे नोंदि नोजोरनि गुदायाव दंमोन नोंखौनो फसायनाय मोन अन्थाय बिखाथ जानो हाया इसे गोबोंनाव सौनायसाय नोंखोनोदि जोबोद मोजां मोनो अन्थाय खाम्था लुना दोनगोन नडडबा! मिजिंआ आदासन्ना थागोन।

हेमन्त स्वर्गीयारी गोदान दिल्ली

## नों नों जानानै आंजों थानायमोनब्ला

नै दावराय नों सिला जानायमोनब्ला नोंखौ लाना बै जाहार बारिखौ गारलानानै सोरगोआव बिरलांगौमोन आं नै दावखा नों दाव मैना जानायमोनब्ला नोंनि देहाखौ हिनजाव गोदान साजायगौमोन आं

नोंनि देहानि मुहिनिया आंनिल' हायनामोनब्ला जोंनि जिउखौ आबिरजों साजायगौमोन ॥ नोंनि अननायनि मोखांआ आंनिल' महरमोनब्ला आं संसारनो मिनिना दिन्थिगौमोन।

नोंनि समा आंनिल'मोब्ला नोंजोंनो जिउ मोनसे गेलेगौमोन। नोंनि मेथाइनि ओंथियाव आंल' दंमोनब्ला सानफामबो बे मेथाइखोनो रोजाबगौमोन आं।

खोमसि हराव आंजों नों थाफानाइमोनब्ला गाब गोनां रिंगना सिमां सुजुगौमोन आं आं लानाइ हांआव नों थाफानाइमोनब्ला आं अराइबो थैनाय नंआमोन।

दि. बसुमतारि गहपुर

## मा जाखो जौमोनसा लोगो नोंथां

मा जाखो जौमोनसा लोगो नोंथां खनथाइनि थिलिआव खनथाइ रेबला

मा जौमोन बिलियाव बिदि थाबा बोरे जानो जौमोनसा नोंथां

मा नोंथां गोरबोसे गैया नामा - बोहें होनो खनथाइनि जिरजिला

फै नोंथां खनथाइनि थिलि - थिलि

गिरजाब गिरजाब दावखो लांनो थाखाय

नै नोंथां जों जौमोन बिलियावनो

खनथाइ रेबनो हरदम नाजा नांगो

-रैदोम बर' बाक्स



# भारत-आमेरिकानि सोमोन्दोआव गोदान चेष्टार जागायबाय



**गोदान दिल्ली, 29 जानुवारी:** गाहाइ मन्थि नरेन्द्र मदि आरो आमेरिकानि हादरगिरि डनाल्ड ट्रम्पनि गेजेराव बावैसो सिगां जानाय सावरयनाया भारत आरो आमेरिकानि सोमोन्दोआव गोदान चेष्टारनि दरजाया गेवो। बारग' गुबुन हादरयारि नेहाथारि हर्षबर्धन श्रृंगलाआ बे सावरयनायखौ मख'जाथावै फोस्मायना बुंदोदि, बेजोँ दरने हादरफोरनि गेजेराव

सोलोखांथियारि शेरारआ गोखोँसिन जागोन। श्रृंगलाआ बुंदोदि, ट्रम्पनि नैथि हाबा मावनाय समाव भारत आरो आमेरिकानि सोमोन्दोआ साबसिन जानो हागौ। दरनेबो हादरआ मुलुगयारि सोलोखांथियारि शेरारखौ गोखोँसिन खालामनो गोसो जादोँ। मदि आरो ट्रम्पनि सावरयनायाव दरने हादरनि सोमोन्दोफोरखौ लानानै

सावरयो। बेयाव फालांगियारि सोमोन्दोनि सायावबो सावरयो। भारतआ जेब्लाबो आइन बेरेखा गुबुन हादरयारिफोरखौ होबथायो आरो बे बिथिडाव आमेरिकाखौ हेफाजाब खालामबाय थादोँ। जुदि एडिस-1 बि भिजा आरो ग्रीन कार्डनि हाबाफारिआ गोलै जायोब्ला भारतयारि लाइमोनफोरा साबसिन खाबु मोननो हागौ। भारत आरो आमेरिकानि गेजेराव खावसे महरै फ्री फालांगियारि रादाइनि सायाव सावरयनायखौ जागायफिनो हागौ। बेजोँ दरने हादरफोरनि फालांगियारि सोमोन्दोफोरा साबसिांगोन आरो बाजारफोरसिम सौहैनाया गोलैसिन जागोन।

**गोदान दिल्ली, 29 जानुवारी:** आडानी ग्रुपआ उरिष्याआव मोब्लिब, सिमेन्ट, उद्यगयारि पार्क, एलुमिनियाम आरो सहर गेस फुवारनायाव फेगौ 5 बोसोरनि गेजेराव 2.3 लाख कौटि रं इन्भेस्ट खालामनायनि थांखि लानायखौ फोरमायदोँ। गुपनि मोनसे फिनाय बादिब्ला, राइज्योनि इन्भेस्टर जथुमआ उत्कर्ष उरिष्या- मेक इन उरिष्या कनक्लेभ 2025 नि समाव इन्भेस्ट खालामनो गोसो जानायखौ फोरमायदोँ। फिनायनि बादिब्ला, आडानी पर्टस एन्ड एसइजेड लिमिटेड (एपिएसइजेट) नि सामलायगिरि-बिथोनगिरि करण आडानीआ राइज्योनि गिबि मन्थि महन चरण माझीजोँ लोगो हमदोँ आरो फेगौ 5 बोसोराव उरिष्याआव इन्भेस्ट



खालामनायनि थाखाय गोरोबथायाव मुंसाइबो खालामबाय। अदेबानि बे आयदायाव आडानी ग्रुपआ गुवार खेफोरथि होयाखै। उग्रग गाहाइ

नेहाथारि (उद्यग) हेमन्त शर्माआ खौरांगिरिफोरनि सिगाडाव बुंदोदि, सन्मिलनआव जायखि-जाया गुपआ खालामनाय बेयो बयनिबो

देरसिन इन्भेस्ट। सन्मिलननि गिबि सानआव 4.5 लाख कौटि रंनि मोन 54 रादाइ फोसावदिडाव मुंसाइ होदोँ। बेनि अनगायै उत्कर्ष उरिष्यानि

खाबुआव उरिष्याआव आडानी टेल गेस लिमिटेड (एटिजिएल) नि मोन 6 बिथांखिफोरखौ बेखेवनाय जादोँ। आडानी ग्रुपनि थाखाय श्रीलंकानिफ्राय मोजां खौरां फेदोँ। श्रीलंका सरकारआ 848 मेगावाट गोहोनि उइन्ड इन्ार्जि प्रजेक्टखौ लानानै फिन सावरयनो गनायथिदोँ। श्रीलंका सरकारनि बुंथिगिरि नलिन्दा जयतिसाया बुंदोदि, सरकारआ बे बिथांखिनि खरसाखौ 0.06 आमेरिकान डलार (मोनफ्रोम इडनित) निफ्राय खमसिन खालामनायनि बागै आडानी गुपनि कम्पनीजोँ सावरयफिनगोन।

# गोदान गरि बायनायाव 50 जौखोन्दो रेहायखौ लानानै हान्था-मेला मावख'आ बिथांखि फोसावदोँ

**गोदान दिल्ली, 29 जानुवारी:** हान्था-मेला मावख'आ रेजिस्टर्ड भेहिकल स्के पिं फेसिलिटी (आरभिएसएफ) आरो अटमेटेड टेस्टिं स्टेसन (एटिएस) नि नेटवर्कनि गेजेरजोँ हादरनाडे बाहायजाथावै गोबां गेब्रेहोग्रा गरिफोरखौ खोलोब बादिथै बोखारनो थाखाय मोनसे इकसिस्टेम बानायनो भिभिएमपि एबा भेहिकल स्केपिं पलिस्ी जागायबाय। मिरु सरकारआ गेब्रेनायखौ सामलायनानै लाखिनो थाखाय गावनि गोहोनि हिंसाबै गासैबो गोनांथार थांखिफोरखौ आजावगासिनो। बांसिनै गेब्रेहोग्रा बिएस 2 आरो बेनि सिगांनि गरिफोरखौ स्केप खालामनायखौ लानानै गोदान आपडेट सौफेदोँ। भारत सरकारनि हान्था-मेला मावख'आ बिएस-2 आरो बेनि सिगांनि दिहुन्थाय मान दान्दानि गरिफोरखौ बोखारनायनि उनाव गोदान गरि बायनायनि सायाव



एककालिन टेक्सनि रेहायखौ नै गुन खालामनानै 50 जौखोन्दोसिम खालामनो प्रपजाल फोसावदोँ। अदेबानि गोजाम प्राइभेट गरिफोरखौ कभार खालामनायनि उनाव गोदान गरि बायनायनि सायाव मथर भेहिकल टेक्सआव 25 जौखोन्दो रेहाय होनाय जायो। बेयफासै कमासिएल गरिफोरनि बिथिडाव बे रेहायआ 15 जौखोन्दोसिम। थांनाय 24 जानुवारीआव फोसावनाय लामा

हान्था-मेला आरो राजा लामा मावख'आ मोनसे बिथोनमायाव बुंदोदि, 50 जौखोन्दो रेहायखौ बै गासैबो गरि प्राइभेट आरो कमासिएल मोननै आवबो

गोहोम गोनां जागोन, जायफोरा बिएस 1 मान दान्दानि सिडाव गोयलैयो एबा बिएस 1 मान दान्दाआ गोहोम गोनां जानायनि सिगां बानायजानाय।

# सिरियाआव सिनाय मौनै सा 26 गोथै सह बोखांनानै मोन्दोँ

**दमिस्क, 29 जानुवारी:** सिरियानि बारग' हादतगिरि बशर-अल-अशादखौ खुंथायनिफ्राय बोख्तायनायनि



उनाव पाब्लिक गोथैसालिनि गिदिर बाथ्राया सोराडाव फेदोँ। सिरियाआव मंगलबारखालि नोगोरारि रैखाथि मावफारियाफोरा दमिक्सनि गामियारि ओन्सोलाव मोनै गुबुन गुबुन सेलार एबा हा सिंसि खथानिफ्राय सा 26 नि बांसिन खामफ्रामनाय गोथै सह' बोखांनो मोन्दोँ। बेसोर गोथै सह'आ बारग' हादतगिरि बशर सरकारनि समाव इनाय-अनागारजोँ भुगिनांनाय

सुबुंफोरनि जानो हागौ होन्ना बुंनाय जादोँ। बोखांनो मोन्नाय गोथै सह'फोराव हौवा-हिन्जाव, गथ'फोरबो दड'आरो गुलि नांनाय, अर खामनायनि दागो दड'। सिरियानि भलन्टियारि नोगोरारि रैखाथि हान्जा व्हाइट हेलमेटसनि सोद्रोमाया सबनेह गामिनि मोनै सम्पतिनि तहखाना एबा हा सिंसि खथानिफ्राय खामफ्रामनाय आरो बायस्नाय कं कालफोरखौ दिहुन्दोँ। खौरांनि बायदिब्ला, थांनाय 28 नभेम्बरनि उननिफ्राय व्हाइट हेलमेटसनि हान्जाया 780 नि बांसिन बैबायदि गोथै सह' मोन्दोँ। नाथाय बेफोरनि बांसिनखोनो सिनायनो हानाय जायाखै। माखासे गोथै सह'खौ उथली गोथैसालियाव बोखांनो मोन्दोँ आरो जायगानि सुबुंफोरा नुसनहैनायनि अनगायै जुनातफोरनि हाखर खुरनायाव बेफोरखौ मिबथिनो मोन्दोँ। गोथै सह'फोरखौ फेरिन्सिक ज र'ख'गिरिफोरनो दैथायहरो।

# ट्रम्पआ पाकिस्ताननि सायाव रांखान्थियारि सार्जिकेल स्ट्राइक खालामदोँ

**इस्लामाबाद, 29 जानुवारी:** आमेरिकानि हादतगिरि डनाल्ड ट्रम्पआ खुंथाय सामलायनाय लोगो-लोगो पाकिस्तानआ बागदावखांदोँ। ट्रम्पनि मोनसे खुंथायारि बिथोननि उनाव पाकिस्ताननो होग्रा गुबुन हादतयारि हेफाजाबखौ इमार्जेन्स गोहोमजोँ गोबथायो। बेखौ पाकिस्ताननि सायाव आमेरिकानि गिदिर रांखान्थियारि सार्जिकेल स्ट्राइक महरै गनायना लानाय जादोँ। पाकिस्ताननो होनाय गासै रोखोमनि हेफाजाबफोरखौ आथिखालाव नायबिजिरासिनो दड'। थांनाय मंगलबारखालि बेनि खौरां होयो। खौरांनि बायदिब्ला, ट्रम्पनि बे थांखिजोँ पाकिस्तानआ बागदावखांनो। आमेरिकानि फारसेनिफ्राय इमार्जेन्स हेफाजाबखौ होबथानायजोँ पाकिस्तानाव



जुथाय राइज्यो आमेरिकानि हारियायारि जौगाखां एजेन्सि (इडएसएआइडि) नि माखासे मख'जाथाव बिथांखिफोरा थाबथायो, जेराव एफसिपिआबो दंफायो, जाय हारिमुआरि संरैखाथिखौ बांहोनायनि गाहाइ हाबाफारि। हादतगिरि ट्रम्पआ पाकिस्ताननि सायाव रांखान्थियारि हेफाजाबफोरखौ होबथादोँ। कराचीयाव थानाय आमेरिकानि फालांगियारि थान्दै मावख'नि सासे बिबानगिरिनि गथायनाय

खौरांजोँ बुडोदि, आमेरिकया ट्रम्पनि गेजेरजोँ फोसावनाय मोनसे खुंथायारि बिथोन महरै पाकिस्ताननो होनाय गुबुन हादतयारि हेफाजाबखौ नायबिजिरफिनो थाखाय होबथादोँ। गावनि गिबि हाबा मावनाय समावनो ट्रम्पआ पाकिस्तानखौ उतखारि हाबाफोरखौ आवगायहोनायनि जाहोनाव बिस्पोरखौ फाइनान्शियेल एक्शन टाक्स फर्स (एफएटिएफ) नि ग्रे फारिलाइयाव सोदोमोन।

# एयार इन्डिया उरां जाब्रबथायनि दायनिगिरि रिपुदमन सिंखौ बुथारग्रा दायनिगिरिनो जिउ जोबजासिम साजा फोसावबाय



**अटवा, 29 जानुवारी:** एयार इन्डियानि उरांखौ 1985 माइथायाव बमाजोँ बेरफुहोनाय केसआव रेहाय मोन्नाय रिपुदमन सिं मालिकखौ बुथारनायनि सासे दायनिगिरि टेनार फक्सनो कानाडानि कर्टआ जिउ जोबजासिम जोबथेसालिनि साजा खोनासंहोयो। कर्टआ 24 बोसोरनि फक्सखौ बे जिउ जोबजासिम साजानि समाव 20 बोसोरसिम जेबो पेरल होनो मोन्नाय नड होन्नाबो बुडो। कानाडयाव सासे कन्ट्रेक्ट किलारखौ मंगलबारव 1985 नि एयार इन्डिया बम बेरफुनाय केसनि दायनिगिरिखौ बुथारग्रा होन्ना फोसावो। बै

जैब्रबथायाव सा 331 सुबुंफोरनि जिउ गोमादोमोन। बे केसआव टेनार फक्सनो रिपुदमन सिं मालिकखौ बुथारनायनि थाखाय जिउ जोबजासिम जोबथेसालियाव थानायनि साजा होयो आरो बिखौबो 2022 नि जुलाइयाव बिनि फालांगि मिरु मोखाडाव गुलि गावना जिउ फोजोबदोमोन। टेनार फक्स आरो बिनि हेफाजाबगिरि जस लपेजआ थांनाय अक्टबरआव मालिकनि नैथि डिग्री मार्डरनि थाखाय दायनिगिरि होन्नायखौ गनायथिना लादोमोन। बियो गनायथिदोदि, गावनो मालिकखौ बुथारनो थाखाय रं होदोमोन। नाथाय गावनो सोर रं होदोमोन बेखौ फोरमायखौ। लपेजआ फेगौ 6 फेब्रुवारीआव कर्टआव फिन नुजाथिनांगो। मख'जाथावदि, 1985 नि 23 जुनआव टरन्टिनफ्राय मुम्बाइसिम फेनाय एयार इन्डियानि फ्लाइट 182 आ आइरिश बोरिमा सेराव जाब्रबथाय जादोमोन आरो बेयाव गाखोनाय सा 331 सुबुंफोरा थैदोमोन।

No.TECH-28/SE(R&B)/E-Tender/2019-20/97 Dated Kokrajhar the 29/01/2025  
**Tender No. 375 of 2024-25**  
**PRESS NOTICE**  
 The Superintending Engineer PWD (R&B) Circle, Kokrajhar on behalf of the Governor of Assam invites bids from approved and eligible Contractors Registered with Public Works Department (Roads) Assam/Contractors registered with Bodoland Territorial Council in the category of Class-I (A,B&C) for the I (one) No. of scheme/works for bids amounting to Rs. 1,16,85,801.00 ( Rupees one crore sixteen lakh eighty five thousand eight hundred one) only.  
 Details may be seen at website <http://assamtenders.gov.in> and also in the office of the undersigned during office hours.  
 Sd/-  
 Superintending Engineer P.W.D.,  
 (R&B)Circle, Kokrajhar  
 IPR(BTC)/C/2024-25/1369

No.DA/BTC/K/Actt-43/2024-25/1401 Date 29/01/2025  
**Tender No. DA/BTC/K/e-Tender/2024-25/33**  
**PRESS NOTICE**  
 The Director of Agriculture, BTC, Kokrajhar invites bids through e-Tendering process only from the Firms registered by the Department of Agriculture, Bodoland Territorial Council, Kokrajhar for Supply of Ground nut seed for an amount of Rs. 198.76 Lakh (Rupees One crore ninety eight lakh seventy six thousand) only against Implementation of programme NMEO-OS, BTC under Krishannati Yojana (FNS) for the year 2024-25.  
 Details may be seen at [www.assamtenders.gov.in](http://www.assamtenders.gov.in) and also at the office of the undersigned during office hours.  
 Sd/-  
 Director of Agriculture,  
 BTC, Kokrajhar  
 IPR(BTC)/C/2024-25/1366

No.NDB-40/Tender/2024-25/2824 Date 27/01/2025  
**Tender No. 16 of 2024-25**  
**PRESS NOTICE**  
**NOTICE INVITING TENDER(For offline of Multiple works)**  
 Sealed tenders are invited affixing a non refundable court fee stamp of 8.25 (Rupees Eight & paise twenty five) only on behalf of Nagrijuli Dev.Block (P&RD) from the intending contractors/ Suppliers/ firms for the work mention below:-  

Sl. No.	Name of Work	Estimated Amount/Value (in lakh)	EMD Bid Security (in Rs.)	Tender Fees (in Rs.)
1	Const. of Sri Sri Bisnu Mandir Hatikhata under GAD, SOPD fund for the year 2024-25	10,00,000/-	10,000/-for SC/ST 20,000/-for Gen.	300/-

Pre-bid date and time: 22/01/2025 at 4 PM; Last date and time of bid submission: 11/02/2025 at 2.30 PM.  
 Date & time of bid opening: 11/02/2025 at 3.00 PM  
 Tender documents can be obtain from the office of the BDO, Nagrijuli on any working days/hours up to 4.00 PM from 22/01/2025 to 11/02/2025 for in <https://sppp.assam.gov.in>. A pre bid meeting will be held as mention above. The address for the meeting is O/o the BDO, Nagrijuli Dev. Block. The bid will be opened in the office of the undersigned as per the schedule mention above. The TIA reserves the right to accept or reject any bid tender and to cancel annual the bidding process and reject all bids at any time prior to contract award.  
 UNSEALED TENDER WILL SUMMARILY BE REJECTED.  
 Sd/-  
 Name of the TIA:- BDO  
 Address of the TIA:- Nagrijuli Block, Nagrijuli  
 IPR(BTC)-2023-24/1363



## हेमेन्त कुमार कलिताआ वर्ल्ड बक्सि कमिटिआव सोद्रोमा सायख 'जादों



## भारतआ एफआइएड्स प्रः लीगनि थाखाय सा 24 सोद्रोमानि हान्जाखौ फोसावबाय

गोदान दिल्ली, 29 जानुवारि: हकी इन्डियाआ फेगो 15-25 फेब्रुवारिनि गेजेराव कलिगा हकी स्टेडियमआव खुंजानो गोनां एफआइएड्स प्रः लीग 2024-25 नि भुबनेस्वर लेगनि थाखाय सा 24 सोद्रोमानि हान्जाखौ फोसावबाय। भारतआ बे लीगआव इलेन्ड, नेडारलेन्ड, स्पेन आरो जार्मानिनि हेँथायै बादायगोन, जेराव मोनफ्रोमबो हान्जाया बेयाव खेबनैयै बादायगोन। भारतनि आइजो हान्जाया बे लीगआव 15 फेब्रुवारिखालि इलेन्डनि हेँथायै गिबियै बादायगोन। भारतनि हान्जायाव मिडफिल्डार सलिमा तेते आ के प्तेन सायख 'जादों। जेराव फरवार्ड नबनिन कौरआ लेडाइ केपेन बिबानआव थागोन। हान्जायाव गल किरार महरै सबिता आरो बिशु देबि कारिबामआ सायख 'जादों।



डिपेन्डारफोरनि फारिआव शुशिला सानु, निक्की प्रधान, उदिता ज्यति, इसिका चौधुरि, ज्यति शाश्री आरो फुकराम बासनि मुडा दड। मिडफिल्ड इन्टिआव भैण्णबी पाल्के, नेहा, मनिषा चौहान, सलिमा तेते, सुनेलता टप', लालरेमसियामी, बलजित कौर आरो समिला देबिनि मुडा दड। फरवार्ड लाइनआव नबनिन कौर, मुमताज खान, प्रिती दुबे, रुतजा, बिउटि दुंदु, संगिता कुमारी, दिपिका आरो बन्दना कटरियाआ जायगा मोन्दों। स्टेनबायनि फारिआव गल किरार बनवारि सलंकी, डिफेन्डार अक्कता आरो ज्यति सिंहजों लोगोसे फरवार्ड साक्षि रना, अनु आरो सनमनि मुडा दड। एफआइएड्सनि नेमखांथि बादिब्ला, प्रः लीग स्टेजआव खेबनैयै बांसनि मेच थाया दोलोफोर सिगानि खेबनैयै मेचनि उनाव गावसोरनि हान्जाखौ सोलायनो हायो। नाथाय सिगानिप्रयनो गनायथि होजानाय स्टेनबाय गेलेगिरिफोरनि गेजेरवल' बेखौ सोलाय-सोल' खालामनो हायो।

गुवाहाटी, 29 जानुवारि: बक्सि फेडरेसन अफ इन्डियानि नेहाथारि आरो आसाम एमाचुर बक्सि एस 'सिएसननि गहाइ नेहाथारि हेमेन्त कुमार कलिताआ वर्ल्ड बक्सिनि मुदांखा फाइनाल्स एन्ड अडिट कमिटि (एफएनए) नि सोद्रोमा महरै सायख 'जादों। बिथानि बेबादि सायख 'जानाया राइज्योआव गोगानाय लाबोदों। मानोना मुलुगनां थाखोआव बेबादि जायगा मोन्नाया गोबां सुबुनिनो सिमां जायो। वर्ल्ड बक्सिनि मावफुं आफादआ बे आयदायाव कलितानि बिहोमा आरो रेंगथिखौ गनायनानै कमिटिनि सोद्रोमा सायख 'दों। आफादिनि मासिगिरिआ अस्ट्रेलिया बक्सि फेडरेसननि सामलायगिरि जुलिया पेल्लनखौ सायख 'नाय जासिमोन। बे गहाइ आफादआव कलितानि सोफादेरजानाया मुलुगनां बक्सिनि फोथारआव भारतनि जौगालानायनि इशारा होयो। बेबादि थासारिआव बक्सिनि फोथारआव भारतखौ आरोबाव आवगायनाय नुनो मोनो हागो।

## आइसिसि रेंकिंगआव तिलक बर्माआ जारिमिन सोरजिदों

गोदान दिल्ली, 29 जानुवारि: भारत आरो इलेन्डनि गेजेराव सोलिफु समाव टी-20 इन्टरनेसनल मेच सिरिज गेलेगासिनो दड। बे समावनो आइसिसिनिफ्राय गोदान रेंकिंग फोसावनायाव गोबां सोलाय-सोल' नुनो मोन्दों। बे फारिआव भारतीय हान्जानि स्टर बेटसमेन तिलक बर्माआ मोनसे मासि आवगायनायजोंनो नैथि नम्बरआव सौहेनानै जारिमिन सोरजिदों। बे फारिआव ट्रेभिच हेडआ नम्बर 1 मासिआव 855 रेटिजों जायगा मोन्दों। बे समाव तिलक



बर्माआ मोनसे मासि आवगायनायनै 832 रेटिजों नैथिआव सौहेदों। नाथाय

मोन्दोंमोन। अब्लाबो थामथि मेचआव मिर्जिथि बादि रान लानो हायैआव रेटिआ दावखलायनानै 832 आव थाहेदों। बेबादि थासारिआवबो बिथाडा हेडनि साखाथियाव सौहेदों। बे फारिआव इलेन्डनि फिल्ड सल्टआ 782 रेटिजों थामथि नम्बरआव दड। भारतनिनो सुयं कु मार यादवआ 763 रेटिजों ब्रैथि नम्बरआव आरो जश बटलारआ 749 रेटिजों बाथिआव जायगा मोन्दों।

(□ 1 बिलाइनिफ्राय)

## तामुलपुरआ लकप्रिय गपिनाथ बरदलै ट्पी-2025 खुदों

बरदलै ट्पी-2025 आ खुंजागोन। तामुलपुर जिल्लानि जिल्ला बेंगिरि पंकज चक्रबर्तिआ लकप्रिय गपिनाथ बरदलैनि मुसुखायाव बिबर मान बाउवो। दिनेनि सेथि फुटबल गेलेनायखौ बिटिआरनि एसिएलए हेमन्त कुमार रभाआ गोथारै बेखेवना होदों। पातकिजुलि माइनाव क्लाब आरो गोरेश्वर टाउन फुटबल क्लाबनि गेजेराव दिनेनि गोखों गेलेनाया 1-1 गलनि फारगथियाव इ जानानै थुंगेयो।

## कक्राझारआव दिने 6थि शेडियुल काउन्सिनि खौरांगिरि जथुम खुंगोन

हेफाजाब होनाय आरो सान्नाय-हनायफोरखौ फोसावनायनि थांखिजों बेयो मोनसे जारिमिनारि माइलनि खुथिया महरै मिबथि जागोन। बे जथुमाव खौरांगिरिफोरखौ जेनाजों मोगा-मोगि जानाय, रेंगौथिफोरखौ फोरमायथिलायनाय आरो जौगाखाडारि खौरांगिरि हाबा मावनायाव गावसोरनि बिफावखौ गोखों खालामनायनि खाबुफोरखौ नायबिजिनो मोनसे जौसां गथायना होगोन। बेनि अनगायैबो गेबें, बिबान होनाय आरो मोजां खुंथयनि सायाव गोनांथि होनानै खौरां बिजों आरो सरकारनि सोमोन्दोखौ बांहोनायनि सायाव जर'खा बिहोमा होगोन। जर'खायै 6थि शेडियुल ओन्सोलनि जौगाखानाय आरो खुंथयनि जेनाफोरखौ सुखानायनि बिथिडाव खौरां बिजों आरो सरकारआ माबोर फोनांजाव जौगाखां होनो, बेनि सोमोन्दोबो सावसयलायनाय जागोन। हाबाफारियाव 'उदासि आरो बिबानि गेजेराव समानथिखौ रैखा खालामनाय: जौगाखानाय खौरांगिरि हाबा मावनायनि मुगायाव खौरां बिजोंनि आसारखान्थि', खौरां बिजों आरो सरकारनि सोमोन्दोखौ गोखों खालामनाय: गेबें आरो फिथाइ गोनां फोनांजाबनि थाखाय बिथोनमा आरो 'खौरां बिजोंनि आइन आरो बिथोनफोर: बिबान गोनां खेंफोरथिनि थाखाय फोथयथि', बे मोन्थाम आयदानि सायाव गुवारै सावसयलायनाय जागोन। फोरमायथि आरो सुबुं फोनांजाव बिफाननि मन्थि पिजुस हाज 'रिकाआ बेखेवोनो गोनां हाबाफारियाव गहाइ आलासि महरै बिटिसिनि गहाइ मावफुं सोद्रोमा प्रमद बर', माननि आलासि महरै बिटिसिनि फोरमायथि आरो सुबुं फोनांजाव बिफाननि मावफुं सोद्रोमा ङ निलुत स्वर्गियारिनि अनगायैबो कार्बि आंल अटनमास काउन्सिलनि मावफुं सोद्रोमा सुर्ज रंपार, सा काखर अटनमास काउन्सिलनि लेडाइ बुंथिगिरि नुलमिनेल लियानतां आमिन, बिटिसिनि गहाइ नेहाथारि आकाश दिप आरो राइज्यो सरकारनि फोरमायथि आरो सुबुं फोनांजाव बिफाननि अरुन्थि चक्रबर्तिमोनहा बाहागो लाफेगोन। गुबुन फारसे प्राग निउजनि गहाइ सुजुगिरि प्रशान्त राजगुरुं, दैनिग पुर्वदयनि सुजुगिरि रबि शंकर रबि आरो गुवाहाटी मुलुगसोलोसालिनि कमुनिकेशन आरो खौरांगिरि बिफाननि गहाइ ङ चन्दन कुमार गस्वामीजों लोगोसे दरथाम अटनमास काउन्सिलनि माखासे खौरांगिरिफोरा बे जथुमयाव बाहागो लाफेगोन। मख 'नो गोनांदि, बिटिआरआव बेबायदि हाबाफारिया गिबि हाबाफारि जागोन।

## (□ 1 बिलाइनिफ्राय) बड 'लेन्ड मुलुग सोलोंसालियाव मिरु एबसुनि थान्दै हान्जाया दावबायहेदों

समाव जर'खायै बड'लेन्ड मुलुग सोलोंसालिनि फोरेंथाइ आरो फोरेंथाइ नडै बिफाननि लांदों जानानै थानाय मासिफोरव थाबेनो साखि थिसन्थाइ होनाय, फरायसाफोरनि थि समाव फिथाइ फोसावनाय, थि समाव मार्क-शिट होनाय बायदि जेनाफोरजों लोगोसे बे मुलुग सोलोंसालियाव फरायनाय फरायसुला-फरायसुलिफोरनि इयुन गोर्जोनि थाखाय लानो गोनां राहाफोरनि जेनाखौ बोखानो थाखाय मुलुग सोलोंसालि खुंथाइखौ खावलायनायजों लोगोसे आसाम सरकारनि दाबि देखाडो। एबसुनि आफादिगिरि दिपेन बर'आ बड'लेन्ड मुलुग सोलोंसालि दावबाय हैनाय समावनो खौरां बिजोंनि सिगाडव फोरमायोदि, गोबां मुंखंफोरनि थैजों मोनो हानाय बड'लेन्ड मुलुग सोलोंसालियाव गोमो सोलोंथाइनि आबहावा थासारिखौ दुलाराय बर' फरायसा आफादआ जेब्लायबो हास्थायबोदों। बेनिखायनो बे ओन्सोलनि फरायसाफोरनि इयुनखौ साननानै दुलाराय बर' फरायसा आफादआ बे सोलोंथाइ फसंथाननि जेनाखौ बोखानो थाखाय राइज्यो सरकारनिसिम गले-गले खावलायबोबाय थादों आरो नांगो समाव बे फरायसालिनि गोमो सोलोंथाइ आबहावा थासारिनि थाखाय दुलाराय बर' फरायसा आफादआ सोमावसारनाय हाबाफारिबो लाबोदों। नाथाय बे मुलुग सोलोंसालिनि माखासे जेनाफोरा दिनेसिम बोखानायायै। बेनि थाखाय दुलाराय बर' फरायसा आफादआ सरकारखौ जेना बोखानो थाखाय खावलायबोबाय थादों। बे सोलोंसालिनि फरायसाफोरनि इयुनि थाखाय मुलुग सोलोंसालियाव गोनांथि जानाय एबा लांदों जानानै थानाय मासिफोरव थाबेनो फोरेंगिरिफोरखौ थिसन्नांगो, लोगोसे लांदों जानानै थानाय मावफारियाफोरखौ थाबेनो थिसनथायनि राहा लानांगो होनानै खावलायो एबसुनि आफादिगिरि दिपेन बर'आ। बड'लेन्ड मुलुग सोलोंसालि दावबायहैनाय समाव आफादिगिरि दिपेन बर'जों लोगोसे गहाइ नेहाथारि खनिन्द्र बसुमतारि आरो मिरु आफादिनि माखासे दैनेगिरिफोरबो दंफायोमोन।

## वर्डनेट मुलुगआव असमीया आरो बर' रावआ मुलुगनां गनायथि मोनबाय

प्रफेसार ङ शिखर कुमार शर्मानि बादिदै - बे जाफुंसारनाया मोनैबो रावनि थाखाय गोगाथावना सम। असमीया आरो बर' रावखौ मुलुगनां जौसांसिम लानानै फेनो हाबाय आरो बे नाजानाया मोनैबो रावनि समुदि आरो मिर्जि थिथावनाखौ मुलुगनां डिजिटेल टेकन 'लजि आयदानि जायगाखौ गोखों खालामनायल' नडा, ओन्सोलनि रावआरि बिहोमाया मुलुगनां जौसाडव फिन आरोबाव रावनि थाथायखौ रोखा खालामनो हादों। टेकन 'लजि आयदा बिफाननि बे हान्जायाव ङ कुँवल तालुकदार, ङ मिर्जानुर रहमान, ङ भास्कर डेका आरो ङ सत्यजित शर्मानोहा दडमोन। ग्लबेल जथुममाआव बाहागो लाहैनाय हान्जाया गांनै गोनांथिथार संदान लाइ गथायदों। गिबि गांसेआव असमीया आरो बर' रावनि डिजिटेल वर्डनेट फोजौखानायनि सायाव आरो नैथि गांसेआ वर्डनेट बाहायनानै असमीया आरो बर' रावनि गेजेराव मेसिनजों राव दानस्लायनायनि सायावमोन। मख 'नो गोनांदि-वर्डनेटआ जादों मुलुगनि रावफोरनि सोदोबफोरनि मोनसे सरसन्ना डिजिटेल फोनांजाव आरो फोरमायथि। आर्टिफिसिएल इन्टिलिजेन्सनि थाखाय बेयो मोनसे गोहोगोरा फुंखा। असमीया आरो बर' वर्डनेटखौ बे हारिमाआरि जौसाडव थिसन्तो हानाया डिजिटेल मुलुगआव बे राव मोनैनि जौगाखानायनि मोनसे मख 'जाथावना आगान। बे जाफुंसारनायजों असमीया आरो बर' रावनि रावआरि आरो फारफोम गोनांथिखौ दिन्थिनायजों लोगोसे मोनैबो रावखौ इयुन जोलै हान्जानि थाखाय डिजिटेल मुगाआव फोथानानै लाखिनो हागोनखौ गोखों आरो रोखा खालामदों।

## आबोफनि दैदेनायाव जनमेस्वरि बसुमतारिखौ जिउ फोजोबनायनि सायाव थार बिजिरनाय मोनांगौनि दाबिजों हान्जा सुरनानै खुदिसारदों

मोन्नाय संग्रायानो जनमेस्वरि बसुमतारिखौ बुथारनायनि सन्देह खालामदों। बेखौ लानानैनो दिने सिमेन सापरिआव गुबुन गुबुन आफाद, गौथुमफोरा जनमेस्वरि बसुमतारिनि थैनाय जाथायनि सायाव थार बिजिरनाय मोनांगौनि दाबिजों हान्जा सुरनानै खुदिसारदों। जोंनो नांगो थार बिजिरनाय, जनमेस्वरि बसुमतारिखौ बुथारना दायनिगिरि इन्द्रजित पैथखौ फासि हो, बायदि बायदि स्ल 'गानजों गोमसारदों सिमेन सापरि ओन्सोलआ। धेमाजि जिल्ला दुलाराय बर' आइजो अन्साइ आफादिनि दैदेनायाव दिने गुबुन गुबुन आफाद गौथुम आरो गुबुन गुबुन हारिनि फरायसा आफादफोरनि रोजा-रोजा सुबुंफोरनि बाहागो लानायजों हान्जा सुरनानै जनमेस्वरि बसुमतारिखौ बुथारनायनि सायाव थार बिजिरनाय मोनांगौ आरो दायनिगिरिखौ आयेननि साजा होनांगौनि दाबिजों लोगोसे राइज्योआव आइजो माहारिनो रेखाथि राहा जगायनानै होनांगौनि दाबिजों गोखोडे खुदिसारनायखौ दिन्थिफुडे आरो खुंथयनिसिम गोसोखां बिलाइ गथायनाय जायो। दिनेनि बे खुदिसारनानै हान्जा सुरनाय हाबाफारियाव धेमाजि जिल्ला दुलाराय बर' आइजो अन्साइ आफादजों लोगोसे जनाइ जिल्ला बर' थुनलाइ आफाद, धेमाजि जिल्ला दुलाराय बर' फरायसा आफाद, बिपिअ, बारग' एनडिएफबि, बोखावै लक्षिमपुर जिल्ला बारग' बिप्लिटि अन्साइ आफाद आरो गुबुन गुबुन माहारियारि आफादफोर फारियै- डेकापाम दख 'रा आसु, टि एम पि के, आगसु आरो धेमाजि जिल्ला सनवाल कसारि फरायसा आफादिनिफ्रायबो मैखोमै बाहागो लायो।

## माजबातआव पासनै सेरफां मन्डल बिजेपि आरो ब्लक इउपिपिएलनि बान्जायनायाव बेसेननाडै: मेगन आन्जाद बादा खुदों

निखुइ बांसिन हौवा-आइजोफोरनि केट्टेक अपारेसनखौ बेसेननाडै मावनो थाखाय फेगो दाननि 19 फेब्रुवारियाव शंकरदेब नेत्रालयसिम लानाय जागोन होना पासनै सेरफां मन्डल बिजेपिनि आफादिगिरि जिबन देकाआ खौरांगिरिनो फोरमायना होयो। बादायाव शंकरदेब नेत्रालयनिफ्राय फेनाय डा. नितुराज महन्त, डा. जनार्दन शिल, डा. भाइर्यश्रि बर, डा. जेबा आहमेद, डा. सबिता कलितामोनजों लोगोसे माखासे हेफाजाबगिरिफोरा बादायाव नुजाफेनानै मेगननि आन्जाद नायो। बे बादायाव बिटिआरनि एमसिएलए दिपक मौर, मन्डल बिजेपिनि लेडाइ आफादिगिरि सार्जु चावय, गहाइ नेहाथारि अन्जन बँध, नेहाथारि मनज नन्दि, रमेश कुमार आरो माखासे दोलोआरि मावफारियाफोरा बाहागो लाफेदों। गुबुन फारसे, उदालगुरि जिल्लानि 47 नं माजबात बिधान सभा बियाबनि हाबिगाव शिभ मन्दिआव 39 नं पासनै सेरफां इउडपिएल ब्लक आफाद आरो हाबिगाव गुदि इउपिपिएल आफादिनि बान्जायनायाव राजखान्थि दैनेगिरि राजु तकालनि हेफाजाबआव बेसेननाडै मेगननि आन्जाद बादाखौ खुंनाय जायो। दिने मेगन फाहामथायनि बादायाव सा 200 मेगननि बेराम जानाय सुबुंफोरखौ आन्जाद नायनानै फाहामथाय होनाय जादों। बे बादायाव बिटिआरनि गहाइ मावफुं सोद्रोमा अएसडि राजु तकाल, हाबिगाव भिसिडिसिनि आफादिगिरि चन्दन बराल, सिडिल्लिउसिनि सोद्रोमा रिमिश लिन्दा, उदालगुरि जिल्ला इउपिपिएलनि सबिन बसुमतारि, कृष्ण तापलिया, पासनै सेरफां ब्लकनि लेडाइ आफादिगिरि धिरेन राजवार, गहाइ नेहाथारि बलराम स्वबिसि, नेहाथारि अमर आलि, आफादआरि-नेहाथारि नन्दलाल शर्मा, बोसोनगिरि केन्द्र शेत्रि, अबिसि बर्डीन धर्मन्द्रनाथ आरो गुदि इउपिपिएलनि आफादिगिरि मन्जिल बसुमतारि, नेहाथारि राजु गौरमोनहा बाहागो लाफेदों।

## गलागाव आन्सलिक बाथौ धोरोम गौथुमनि खुंगा 50थि मागो मेलाया सोलिगासिनो

आलासि महरै बाहागो लाफेयो आसामनि केबिनेट मन्थि उर्खाव गोरा ब्रह्मआ। लोगोसे बिसम्बि बेखेवगिरि आलासि महरै बाहागो लाफेयो 22 नं ककलाबारि बियाबनि एम.सि.एल.ए. मन्तु बर'आ। थांखि जानाय बुंथिगिरि आलासि महरै बाहागो लाफेयो दुलाराय बाथौ गौथुमनि फोसावदि नेहाथारि सुरेश इशवारिआ, जर'खा आलासि महरै बाहागो लाफेयो सालबारि जिल्ला दुलाराय बाथौ गौथुमनि आफादिगिरि मन्तुमनि रामसियारि लोगोसे ओन्सोलनि गुबुन गुबुन आफादफोरनि बिबानगिरि, बाथौ सिबियारि बिथामोननि बाहागो लानायाव हाबाफारिया रंगिना-संगिनायै खुंजागासिनो।

(□ 1 बिलाइनिफ्राय)

## गामियारि सुबुंफोरनि रैखाथिनि थाखाय हा खुरखानायखौ होबथानायनि बिथारिबे बेखेवदों

आयेन आफादिनि बुंथिगिरि बिस्वजित दैमारीआ राहा खालामनानै होदों। बालाफारा गामिखौ रैखाथि होनो थाखाय दै फुंखा बिफाननि मन्थि पिजुस हाजरिकाजों सावरायनानै दैखौ होबथानो थाखाय पारक'पाइन खालामनानै होनाय जायो आरो बे बिथांखिखौ आसाम आयेन आफादिनि बुंथिगिरि बिस्वजित दैमारीआ बालाफारा गामियाव नुजाथिहेनानै गोजा फिता हानानै बेखेवना होयो। दिनेनि बे बेखेवनाय हाबाफारियाव बाहागो लानानै बुंथिगिरि बिथाडा बुंथिबावदोंदि, दै खुरखानायखौ होबथानयजों लोगोसे खुरखाजानाय जायगाफोरखौ हा खोनानै समान खालामनाय जागोन आरो बे पारक'पाइनखौ खालामनानै होनायनि गेजेरजों गोबां नख'रफोरा सुक्लाय दैमाजों खुरखा जानायनिफ्राय रैखा मोनगोन। बुंथिगिरि बिस्वजित दैमारीआ बुंबावदोंदि, नावकाता सकनिफ्राय तामुलपुरसिम थानाय लामानि गेजेराव थानाय सुक्लाय दैमानि बिखायाव थानाय दालाड लफुंजाबाय आरो लामाखौ लफुंनो थाखाय आसाम माला बिथांखिनि गेजेरजों बे लामाया संसन जाबाय होनानै बुंथियो। दिनेनि बे पारक'पाइन बेखेवनाय हाबाफारियाव आसाम आयेन आफादिनि बुंथिगिरि बिस्वजित दैमारीजों लोगोसे बिटिसि बियाबनि 29 नं सुक्लाय सेरफां बियाबनि एमसिएलए एबा बिटिआरनि इएम रनेन्द्र नाज्जारि, ओन्सोलनि मेलेमजिबि, समाज सिबियारि बालाफारा गामिनि राइजो-राजानि नुजाथिनाय दिनेनि हे हाबाफारिया जानानै थाडे।

## सेथि बड 'लेण्ड इन्टार डिस्ट्रिक्ट भलिबल चैम्पियनशिप

गेलेगिरिनो नोगोद 5 रोजा रं आरो ट्पि गथायो बड'लेण्ड गेलेमु आफादिनि आफादिगिरि एबा सान्जा कक्राझार बिधान सभा बियाबनि एमएलए लरेन्स इस्तारी आरो बिटिआरनि गेलेमु आरो लाइमोन अन्साय बिफाननि मावफुं सोद्रोमा दावबायसा बर'भोनहा। सालबारि जिल्ला गेलेमु आफादिनि आफादिगिरि कान्देश्वर बसुमतारि आरो गहाइ नेहाथारि दावहार बसुमतारिमोननि सामलायनाया चैम्पियनशिप आरजिनया सालबारि जिल्ला गेलेमु आफादिनि भलिबल गेलेगिरिफोरा जाबाय- मैखोम बर', देरहासार मुसाहारि, जन खेरकातारि, अमर बर', जयन्त बसुमतारि, बिजित मुसाहारि, जान फादांआरि, जाफुंसार गयारि, मोनहासार बर', अन्थाइ बसुमतारि, प्रान्जल बर' आरो अन्सुपान स्वर्गियारि।

## भारत-भुटान फोनांजाब 127 (सि) नं माहारियारि राजा लामानि फिन लुफामफिन्नाय खामानिखौ बेखेवबाय

जिल्लानि सामथाइबार्फ्राय भुटाननि गेलेपु सहरसिम 40 किल 'मिटर जान्थायनि फोनांजाब 127 (सि) नं माहारियारि राजा लामाया थुर टिनालिसिम लामाखौ पाक्कानि लुनाय जादोंमोनब्लाबो भुर टिनालीनिफ्राय गेलेपु गेटसिम 25 किल 'मिटर लामाया गोबाव साननिफ्राय गात्रि जानानै दडमोन। जायनि थाखाय बे लामाजों हान्था-मेला खालामनाय नसुसेनि दरनैबो हादतनि नोगोरारिफोरा जेनाजों मोगो-मोगि जानो गोनां जादोंमोन। भुटाननि लाइफलाइन महरै मिबथिजानाय बे लामाखौ फिन लुफामफिन्नायनि थाखाय भुटान बिफाननि अनगायैबो गुबुन गुबुन दोलो आफादआ गोबाव साननिफ्राय दाबि खालामबोदोंमोन। दिने बे गात्रि जानाय लामाखौ फिन लुफामनायनि खामानिखौ जागायजेनायनि थाखाय सरकारखौ साबायख 'र बाउदों जायगानि राइजो-राजा आरो आफादफोरा।



# गाहाम देहानि राहा

## किशमिसआ जरायाव सानाय आरो गोबां जेनाफोरनि थाखाय मुलाम्फा गोनां

किशमिसआव मोन्नाय गासैबो निउट्टियेन्टफोरा जेनि सावस्त्रिखौ गोबां बिबाडव साबसिन खालामनो हायो। सावस्त्रि रंग'साफोरा गोबां समावनो गोजां बोथोराव गोरान फिथाइखौ जानो सुबुरुन होयो। सानफ्रोमबोनि जाग्रा आदारनि सानथांखियाव किशमिसखौबो रस्ट बानायनानै सोफादेरनो हायो, थि बिबाडव रस्ट किशमिसखौ जायोब्ला सावस्त्रिजे सोमोन्दो थानाय गोबां जेनाफोरनिफ्राय रैखा मोन्नो हायो। संनाय (रस्ट) किशमिसआ हारानि सावस्त्रिनि थाखाय जोबोद मुलाम्फा गोनां जानो हागौ। केलसियामजे बुफबनाय रस्ट खालामनाय किशमिसआ जरायाव सानायनि जेनाफोरनिफ्राय रैखा मोन्नायाव गोहोम गोनां जानो हागौ। बेनि अनगायैबो, रस्ट खालामनाय किशमिसआव गोबां बिबानि आयरन थायो, जाय देहायव सोमजिनय



थैनि आंखालखौ बोखारनो हागौ। एन्टिअक्सिडेन्ट आरो भिटामिन-सिजेण्ड बुफबनाय रस्ट खालामनाय किशमिसआ इम्युन सिस्टेमखौ गोबां बिबांसिम बां होयो। गोजां बोथोराव ख न ल - ख न ल - लोमजानायनिफ्राय बारग'नो थाखाय सानफ्रोमबो रस्ट खालामनाय किशमिसखौबो जानो हायो। किशमिस जानानै देहानि मेटाबलिज्मखौबो बां होनो हायो। साबसिन फिथाय मोन्नो थाखाय किशमिसखौ फुडाव रस्ट खालामना जानो हायो।

# मुलुग सोलोसालिनि केन्टिनआव कल्डप्ले बेन्डआ मुलुगखौ सोमावग्लुंदो

25 जानुवारियाव मोनसे गुबुन हादरारि देखो बेन्ड 'कल्डप्ले' आ आहमेदाबाद सहरआव मोनसे कन्सर्ट खुंदो। 1.34 लाखनि बांसिन सुबुंफोरा देखो हाबाफारियाव बाहागो लादो आरो होंगो-दोंगोआ गोबां रेकर्ड खालामदो। कल्डप्लेनि कन्सर्टआव सुबुंफोरनि गेजेराव गोसो गुदु जानाया बे बाश्रानिफ्राय फोरमान जायोदि, बेनि हटेलफोरा आबुं जादोमोन बेल' नड, टिकेटनि गोबां बेसेननि गेजेरावबो ब्लेक आउट जानायनि जाथायफोर जादो। कन्सर्टनि थाखाय सुबुंफोरनि गेजेराव दा व र व - दा व सि सि नि भिडिअ'फोराबो सशेल मिडियायाव जोबोद गोसारदो। कल्डप्लेआ मोनसे ब्रिटिश रक बेन्ड, जायनि मिलौदो पियान'- दामनाय मेथाइया 21थि जौथायनि जागायजेन्नायाव बेन्डखौ प'प देखोनि गोजौसिनाव सौहैहोदो। कल्डप्लेखौ 1998 माइथायाव मुलुगसोलोसालि कलेज लन्दनाव पियानवादक-



रोजाबगिरि क्रिस मार्टिन आरो गिटार दामगिरि जनी बकलेन्डनि जराजो दानाय जादो। बेन्डआ उनाव लोगो फरायसा गाय बेरीमेन आरो गिटार दामग्रा विल चेम्पियनजो लोगो जादो। कल्डप्लेआ गाहाइ लेबेल पालाफ'नाव साइन खालामनायनि सिगां 1999 माइथायाव उदां फियर्स पान्डा लेबेलआव हारसि'ब्रादर्स एन्ड सिस्टार्स' खौ फोसावदो।

कल्डप्लेनि आबुं-गोलाव सावथुन पेराशुट (2000) आ मार्टिननि रोजाबनाय आरो हारसि जेरै बिटारस्वीट 'येल' नि थाखाय लाख-लाख रांआव फानजादोमोन। पेराशुटआ बेन्डखौ बयनिखुइ साबसिन एलबामनि थाखाय गावनि गिबि ग्रेमी बान्था आरजिदो आरो बांसिन हाबिलागोनां ए राश अफ ब्लाड टु दा हेड (2002) नि थाखाय लामाखौ रोखा खालामदो। उननि एलबामा कल्डप्लेखौ आरोबाव मोनै ग्रेमी बान्था मोन्नो हादोमोन।

## सैफ आलि खाननि केसआव बिजिरसालिया दायनिगिरिखौ 14 साननि जुडिसियेल कास्टाडिआव दैथाय हरदो

बलिउडनि फावखुंगुर सैफ आलि खाननि सायाव गाग्लोबनायनि बेलायाव दिनेनि साना मोनसे गोनांथार सान। बे जाथायनि दायनिगिरि शरीफुल शहजादखौ बान्द्रा बिजिरसालियाव थिसन्नाय जादो। बिजिरसालिया दायनिगिरिखौ 14 साननि थाखाय जुडिसियेल कास्टाडिआव दैथाय हरदो आरो पुलिसआ दायनिगिरि शरीफुल इस्लामनि मोखां सिनायथिनि थाखाय सेम्पल एफएसएलखौ दैथाय हरदो। पुलिसआ बुंदोदि, जो नायबिजिरनायजो मिबथिबायदि बिसारो बवेनिफ्राय हाथियारफोरखौ बायदो। गासैबो हाथियारफोरखौ बोखानाय जाबाय। रेकीखौ



मोनसे दाय खालामनायनि थाखाय बेखौ नायबिजिरनांगो। गुबुन रावबो लोगोरि गैया आरो बिथांखौ नायबिजिरनांगो। मोखां सिनायथिखौ खालामनांगोन। मोनसे हान्जाया बंगलाव थांबाय। बलिउडनि फावखुंगुर सैफ आलि खानखौ 16 जानुवारिनि हर गेजेराव गाग्लोबनाय जादो। मोन्नाय खौरांनि बायदिब्ला,

दायनिगिरिया खावनायनि थांखिजे बिथांनि न'आव हाबदोमोन आरो बिथांखौ सिखाजो गाग्लोबदो। बे गाग्लोबनायाव फावखुंगुर सैफ आलि खानआ गोबां गोब्राव जोखोम जादो। फावखुंगुरखौ मुम्बाइनि लीलावती देहा फाहामसालियाव थिसन्नाय जादोमोन। देहा फाहामसालिनिफ्राय हगारनायनि उनाव बिबुंथि थिसन्दोमोन।

## अजय देवगनआ 'सिंघाम एगेन' नि गोरोन्थिफोरखौ गनायनानै लादो


रहित शेट्टीजो दिथा होजानाय 'सिंघाम एगेन' आ 2024 माइथायाव दिवालीनि फालिथायाव रिलिज जादोमोन। रहित शेट्टी आरो सावथुननि फावगिरिफोरा बेनि फोसावनायाव जेबो खहा खालामाखै। अजयनि अन्सायगिरिफोरा बे सावथुननिफ्राय गोबां मिजिं थिदोमोन। अजय आरो करीना कापुरनि अनगायैबो सावथुनाव अक्षय कुमार, रणभिर सिंह, दीपिका पादुकण आरो टाइगर श्रफ बायदि फावगिरिफोरबो दंमोन। नाथाय जेब्ला सावथुनखौ थियेटरफोराव फोसावयोब्ला नायगिरिफोरा बांद्राय खुसि जानो हायाखैमोन। सावथुना नायगिरिफोर आरो सावरायगिरिफोरनिफ्राय गलाय-गथाय अन्सायनाय मोन्दो। नायगिरिफोरा सिंघाम फ्रेन्दाइजीनि गुबुन मोनै सावथुनजो रुजुनायाव 'सिंघाम एगेन' खौ फेस्ला मोनदो। जायनि सायाव अजयआ आथिखालाव फोरमायदो। अजयआ बावैसो जी रियल हीरोज एवार्डस 2025 आव बाहागो लादो, जेराव बिथांनाव सिंघाम एगेननि नायगिरिफोरनि फिनजाथायनि सोमोन्दै सोनाय जादो। बेनि सायाव फिननाय होनानै अजय देवगनआ बुंदो, आं सानो आं गोबां सुबुंफोरनिफ्राय बे फिनजाथायखौ मोन्दो। बेनिखायनो जो गोसोआव लाखिगोनदि, सिंघामनि मोन्दांथिया घुस-घुस के मार का जानांगोमोन। जेब्ला रहित शेट्टीआ 'सिंघाम एगेन' खौ फोसावदोमोन, अब्ला अन्सायगिरिफोरा जोबोद गोसो



गुदुमोन। अजयनि अनगायैबो करीना कापुर, दीपिका पादुकण, अक्षय कुमार, रणभिर सिंह, टाइगर श्रफ आरो अर्जुन कापुर बायदि फावगिरिफोरनि हान्जा दंमोन। नाथाय, लासै-लासैनो सिंघामआ नख'रारि बक्स अफिसआव 250 कौटि रं बुधुमदोमोन। बवेखानि, सावथुननि रांवावजायाबो जोबोद गोबांमोन। अजय आरो करीना कापुरनि 'सिंघाम एगेन' आ कार्तिक आर्यां, बिद्या बालान, माधुरी दीक्षित आरो तृपित डिमरी 'भुल भुलैया 3' जो बक्स अफिसआव सौघावदोमोन, बेनि बुधुमनाया मख'जाथाव गोहोम खोखैदो। सिंघाम एगेनआ बेखेवनाय सानाव 43.5 कौटिसिम बुधुमदोमोन। नाथाय नायगिरिफोरा बेखौ मोजां मोनाखैमोन।

## अक्षय कुमारनि सावथुन स्काइ फर्सआ गुबुन हादराव गोबां रां आरजिनो हादो

जोखोम जानाय सिंहनि हांआ बिनि सोगोमनायनि खुइबो गिखंथावसिन, बे डायल'गआ बलिउड फावखुंगुर अक्षय कुमारजो आबुडै गोरबो। बिथाड 'बड़े मिया छोटे मिया' निफ्राय 'मिशन रानीगन्ज', सरफिरा आरो राम सेतु बायदि गुबुन गुबुन रोखोमनि सावथुनफोर लाबोदो नाथाय गासैबो सावथुनफोरा बक्स अफिसआव गोसैदोमोन। सुबुंखान्थि साननि साननै सिगां 24 जानुवारि 2025 मायथाइयाव फोसाव जानाय बिथानि सावथुन 'स्काइ फर्स' आ बक्स अफिसआव गोबां रां आरजिबाय। बे सावथुना भारतयारि नायगिरिफोरनि थाखाय जोबोद बाख्नाय जादो नाथाय अक्षय कुमार आरो भिर



पहाडियानि सावथुनाबो मुलुगनाडैनी गोबां अन्सायनाय मोनगासिनो दं। भारतनि गिबि अखां गाग्लोबनायनि सायाव बिथा खालामनाय सावथुन 'स्काइ फर्स' नि सल'आ सुबुंफोरनि गोसोखौ बोनो हादो। बे सावथुनाव अक्षय कुमारआ उई कामान्दार कुमार म आहुजानि

फाव खालामदो, जेराव भिर पहाडिया टी. कृष्ण भिजयनि फाव खालामदो। सावथुना मुलुगनाडैनी जोबोद मोजां जादो। आथिखालाव सानबानि गेजेराव सावथुना वाल्डवाइड बक्स अफिस कालेक्शनआव जाडुआरि महरखौ दानो हाबाय। बलिउड हांगामाजो फोसावजानाय

अनजिमानि बायदिल्ला, खिलाड़ी कुमारनि सावथुना सानबानि गेजेराव मुलुगनाडैनी 100 कौटिनि अनजिमा बारबाय। सावथुना मंगलबारसिम गासै 109.88 कौटि खामायदो। स्काइ फर्सआ समबारसिम मुलुगनाडे 92 कौटिसिम फालांगि खालामदो, मंगलबारखालि फ्राय 17 कौटि खामायदो। सावथुना गुबुन हादरनि हाथाइयाव गासै 6.46 कौटि बुधुमदो। राम चरणनि गेम चेन्जर आरो तेलुगु सावथुन डकु महाराजनि उनाव बेयो 2025 माइथायनि थामथि सावथुन, जाय मुलुगनाडे गोखैनो 100 कौटिसिम सौहैबाय।

## भारतआव 55 जौखोन्दो ट्राक ड्राइभरफोरनि नुथाया लोरबां



गोदान दिल्ली, 29 जानुवारि: आइआइटि दिल्लीनि मोनसे रिपर्टआव बे बाथ्राया नुजाथियोदि, भारतआव 55.1 जौखोन्दो ट्राक ड्राइभरफोरनि नुथाया लोरबां आरो 53.3 जौखोन्दोआ गोजान नुथायाव साबस्त्रांहीनायनि गोनांथि दड। बेराफार्स 46.7 जौखोन्दोआ खाथि नुथायनि फाहामथायनि गोनांथि दड। बेनि अनगायैबो 44.3 जौखोन्दो ड्राइभरफोरनाव बडि मास इन्डेक्स (बिएएमआइ)

आ सिमना रेखा एबा बेनिखुइ जौसिनआव। 57.4 जौखोन्दोनाव ब्लाड प्रेसारनि थाखोआ बांदो आरो 18.4 जौखोन्दोनाव डायेबेटिसखौ बांनय नुनो मोन्दो। आइआइटि दिल्लीआ फरसाइट फाउन्डेसननि हेफाजाबजो उत्तर प्रदेश, राजस्तान, मध्य प्रदेश, महाराष्ट्र, कर्नाटक आरो तामिलनाडुआव 50 रोजा ट्राक ड्राइभरफोरखौ स्क्रूनिं खालामदो। सुलुनि बादिल्ला,

33.9 जौखोन्दो ड्राइभरफोर गेजेर थाखोनि जेनानि खौरां होदो आरो 2.9 जौखोन्दोआव जेनानि थाखोखौ गोजौ थाखोआव मोन्नाय जादो। सुलुनि बादिल्ला, ट्राकआ भारतनि लजिस्टिक बिथिनि सिन्सि, जाय हादरनाडैनि ओन्सोलफोरखौ सरजाबो। भारतआव ट्राक ड्राइभरफोरा माखासे सेलेन्सपोर आरो गोब्राब थांनानै थानायनि रुटिनजो मोगा-मोगि खालामनाडो। गाहाइ आयदाफोरनि गेजेराव गोलाव समसिम खामानि मावनाय, नेमखांन्थि बादियै शिष्ट जानाय, नख'रनिफ्राय गोलाव समसिम जान्थायाव थानाय आरो गुबुन गुबुन देहाजो सोमोन्दो थानाय जिंगाफोरा दंफायो।

## महाकुम्भआव फैदो सावथुन दिथागिरि कबीर खानआ

पुयागराजनि महाकुम्भ मेलायाव सुबुंफोरनि हाबकैनाया दाबो सोलियासिनो दं। सरासनस्त्रा सुबुंफोर बायदि गोबां बलिउड स्टारफोराबो संगम नोगोराव सौहैगासिनो दं। दिने थामहिनबा 29 जानुवारि 2025 मायथाइयाव मौनी अमाबैस्थानि जुलिनि दुगैनाया सोलियोदो। बेनि सानसे सिगांनो बलिउडनि मुंदांखा दिथागिरि कबीर खानआबो प्रयागराजआव सौहैदो। बिथांखौ मैया बेलासियाव बिरखं गाथोनाव नुनो मोन्दो। सासे इस्लामी



जानानैबो कबीर खानआ महाकुम्भआव सौहैदो आरो बुंदोदि, बिथाड दिने राजफोलेरारि दुगैनाय समाव संगमआव दुगैगोन। बिथांमोनहा बे जारिमिनारि जाथायनि फारसे गावसोरनि थुलुंगा आरो

इसोरारि नांजाबनायखौ फोरमायदो। कबीर खानआ बैयाव माखासे साननि थाखाय थानो थांखि लाना फैदो। दिथागिरिया गंगा, यमुना आरो सरस्वती दैमाफोरनि त्रिवेणी संगमाव गोथार दुगैनो गावनि

गोसो जानायखौ फोरमायदो, जायखौ फोथायनाय जायोदि, बियो पापफोरखौ गोथार आरो इसोरारि उदांस्त्रि लाबोयो। एएनआइजो मोगा-मोगियाव कबीरआ महाकुम्भ मेलानि गोनांथिखौ नोजेर होयो, जाय 12 बोसोराव खेबसे जायो आरो बेखौ भारतयारि सोदोमस्त्रियाव थानाय मोनसे गोखो जाथाय होन्ना बुंदो। सासे मुस्लिम जानानैबो दिथागिरिया जायखि जाया धोरामारि गावस्त्रानायखौ नेवसिगारदो आरो बेखौ रोखा खालामदोमोनदि, बिथांनि

थाखाय बेयो भारतयारि सोदोमस्त्रिनि बाहागो। बिथाड बायदि रोखोमनि खौसेथिनि खौरांबो होदो। बिथाड बुंदोमोनदि, बेफोर बाश्राफोरा हिन्दु आरो मुसलमानफोरनि सोमोन्दै नड आरो बेफोर जौनि गुदि। जुदि नोंथाड सानोदि नोंथाड भारतयारि, अब्ला नोंथाड गासैखौबो मोन्दांनगो। कबीर खाननि बे बिबुंथिया अ i f थ ख i ल i व सावरायजागासिनो दड आरो सुबुंफोरा बिथांखौ बाख्नायगासिनो।



# 70 थि बरदलै ट्रफीआ दिनैनिफ्राय जागायबाय

गुवाहाटी, 29 जानुवारि: भारत रत्न लकप्रिय गपिनाथ बरदलै ट्रफीनि 70 थि सिजनया दिनै 29 जानुवारिनिफ्राय जागायबाय। आसामनि गेलेमु आरु लाइमोन अन्साय बिफानजो लोगोसे गुवाहाटी स्पर्ट्स एस'सिएसन आरु जिल्ला गौथुमफोरजो राइज्योनाडै नो खु'जानाय बे बादायलायनाया आसामनि दर 35 र्थेभिनिउ जिल्लाफोराव जागायगोन। बेनि सोमोन्दै सिगाडावनो जिएसएनि गाहाइ नेहाथारि देबजित शइकिया, आफादगिरि परेश चन्द्र दास, गेलेमु नेहाथारि एल प्रनब सिंह आरु बेस अफ इउ इन्डियानि डिरेक्टर सौरभ चेतार्जीआ फोरमायदो। बे समाव शइकियाआ बे बादायलायनायखौ आसामनि फुटबल फोथारआव मोनसे गोदान जावरिखानाय लाबोगोनखौ फोरमायदो। बेनि गेजेरजो लाइमोन रोगथिखो जोथोन लानायजो लोगोसे बेनिफ्राय सिगा फासे फुटबलखौ आवगायहोलानो हागोनखौ मिर्जिथिदो। बे



बादायलायखौ मोनथाम स्टेजआव खु'फु'नाय जागोन। जिल्ला खोन्दोआव गासै राइज्योनिफ्राय मोन 280 क्लाबफोरा बादायगोन। बेयाव मोनफ्रोमबो जिल्लानिफ्राय मोन 8 हान्जाफोरा फारियै बादायलांगोन। बे थाखोआव लीग काम नटाउट महराव खेब 525 मेच थागोन। मख'नो गोनादि, दरफ्रोमबो जिल्लानिफ्राय देरहागिरिआ क्लास्टर राउन्डआव दावखोगोन आरु 75 रोजा राखरि बान्था मोनगोन। क्लास्टर

राउन्डआव हान्जाफोरखौ मोन 6 रिजनेल क्लास्टर फारियै आफार आसाम, सा आसाम, गेजेर आसाम, लवार आसाम, बराक हायेन आरु केपिटेल् रिजनेलआव बोखावनाय जादो। क्लास्टरनि देरहागिरि हान्जाफोरनो 1 लाख रां आरु रानार्सआप हान्जानो 75 रोजा रां होनाय जागोन। टुर्नामेन्टनि फाइनाल राउन्डआव गुवाहाटी प्रिमियर फुटबल लीग-एनएफ रेलवे स्पर्ट्स एस'सिएसन आरु प्राइड इस्ट माभेरिक्सनि मोननै

हान्जाया थोंजोडै जायगा मोनगोन। बेजो लोगोसे मोननै गुबुन हान्जाफोर जर'खायै इन्डियान सुपार लीग, आइ लीग एबा इन्टरनेसनल क्लाबफोरनिफ्राय बादायलायनायाव बाहागो लानो हागोन। बे टुर्नामेन्टनि सेम्पियन हान्जाया 10 लाख रां बान्था मोनगोन। जेराव रानार्सआप आरु सेमिफाइनालिस्ट हान्जाफोरा 5 लाख आरु 2.5 लाख रां बान्था मोनगोन। इन्डिभिजुएल बान्था महरै प्लेयार अफ दा टुर्नामेन्ट, गल्डेन बुट, गल्डेन ग्लभस आरु पेयार पे टीमखौबो होनाय जागोन। गुदि थाखोआव फुटबलखौ जागाहोनायनि था'खिजो मोनफ्रोमबो हान्जाया 206 नि गिबि जानुवारि एबा बेनि उनाव जोनोम मोन्याय बाइइसिनआवबो सा 5 आन्डर-19 सिनि गेलेगिरिफोरखौ हान्जायाव सोफानागोन। मख'नाय जायोदि, बिसोरनि गेजेराव सानैआ प्लेड 11 आव थाथारानागोन, जेराव गुबुन सा 3 आ बेन्सआव थाथानागोन।

## गुवाहाटी अपेन जुनियर टेनिस सेमिन्यनसिपआ जागायबाय



गुवाहाटी, 29 जानुवारि: गुवाहाटी अपेन जुनियर टेनिस सेमिन्यनसिप 2025 नि 8 थि खुंयाया आरजि बस्वा स्पर्ट्स कमप्लेक्सआव मोनसे मेहेरगोनं बेखेवनाय हाबाफारिजो जागायबाय। गुवाहाटी टेनिस एस'सिएसनजो खु'जानाय बे सेमिन्यनसिपआव ओन्सोलनिफ्राय सा 220 बाहागो लागिरिफोरा नुजाथिफेदो। बारा' हायुडरि टेनिस


गेलेगिरि आरु प्राइड इस्ट इन्टरस्टेन्ट प्राइभेट लिमिटेडनि मासिगिरि रिनिकी भुजानआ बे सेमिन्यनसिपनि बेखेवजेनाय हाबाफारिआव आलासि महरै नुजाथिफेदो आरु हाबाफारिखो बेखेवदो। बिथांजो लोगोसे सानै गेस्ट अफ अनार फारियै बारा' हायुडरि सेमिन्यन शुशान दास चौधुरि आरु जास्टिस प्रहलाद्रय गुलापचान्द आगरवालआवो नुजाथिफेदो। बे

सेमिन्यनसिपआव हौवासा आरु हिन्जावसाफोरनि सिंगेल (आन्डर-12, आन्डर-14 आरु आन्डर-18) नि सिडाव, हौवासा आरु हिन्जावसाफोरनि थाखाय डबल्स (आन्डर-10), आरु हौवासा-हिन्जावसासि जावजा (आन्डर-18) जो लोगोसे गुबुन गुबुन केटेगिरिआव गेलेगिरिफोर बादायलायगोन। गासैबो केटेगिरिआव क्वाटार फाइनाल

थाखोनिफ्राय बान्था होनाय जागोन। लोगोसे बेनि थाखाय 2.20 लाख रां राखरि पुन्जि थिखानाय जादो। मख'नाय जायोदि, बे हाबाफारिनि मोनसे मख'जाथाव हाबाफारिआ बेनोदि, निलाचल टेनिस फाउन्डेसनजो जिटिए टेनिस एकाडेमिनो दान होजानाय मोनसे गोदान बल मेसिनखौ बेखेवनाय जादो। बे गोदानथार आगुफोरा जाखांफुनाय गेलेगिरिफोरनि थाखाय सोलौंथायखौ बांहोगोन होनानै मिर्जिथि लाबोदो। रिनिकी भुजान शर्मा आरु शुशान दास चौधुरिआ बे मेसिनखौ जुथायै बेखेवदो। बे फोर्बोआव बान्जाय आफादनि मासिगिरि कल्यान कुमार दास, आफादनि नेहाथारि बास्कर शर्मा आरु जिटिएनि बोसोनगिरि प्रनय बरदलै आरु अनिर्बान दासआवो बाहागो लादो।



आसाम सरकार



ब्रिटिस-सोबख 'नायनि हेँथायै जुजिनाय भारत बिमानि गेदेमा फिसा, माहारियारि बिफा महात्मा गान्धी आरु उदांस्त्रि सोमावसारनायाव जिउ बाउनांनाय साफ्रोमबो मुंख्लंफोरनिसिम 'माहारियारि मुंख्लं सान' आव आसामआरिनि जानानै मान होनायजो सिबिथाय बाउबाय।

ड॰ हिमन्त विश्व शर्मा  
गिबि मन्थि, आसाम

30 जानुवारि 2025

फोरमायथाय आरु सुबु फोनांजाव विथोनगिरि मावख', आसामजो फोरावजानाव

Connect with us @diprassam dipr.assam.gov.in

आसाम बार्ता साब्सक्राइव खालामनो 7636834943 आव Assam लिटरनै क्लासएफ खालाम

Janasanyog/D/1208/24/30-Jan-25





माहारियारि देहा मावथांथि, आसाम

आसाम सरकार

# खुरिया बेराम-होबथा सान

## 30 जानुवारि, 2025

"खौसेयै फे जो सांग्रांथिखौ बांहोनि, गोरोन्थि सान्नायफोरखौ फोजोबनि आरु खुरिया बेरामजो नाखेब जानायनिफ्राय रावबो गोहोम गोग्लैनाडा बेखौ रोखा खालामनि"

30 जानुवारि, 2025 निफ्राय 13 फेब्रुवारि, 2025 सिम खुरिया बेराम फोजोबनाय नै सप्ताहआरि सांग्रांथि हाबाफारि आरु खुरिया बेराम होबथा सान 30 जानुवारि, 2025 आव आसामनि सुबुफोरखौ बाहागो लानो थाखाय आं गुरैयै खावलायो आरु हादतजो लोगोसे जोनि राइज्योनिफ्राय खुरिया बेरामखौ फोजोबन्नायाव हेफाजाव खालाम।

**खुरिया बेरामनि गिबि जागायजेन्नाय समआव लैक्शन आरु नेसोन**

मोनदांथिनि खहाजो लोगोसे जायखि-जाया विगुरनि बेराम	फिसा-फिसा नडुल्सफोरा बांसिनै मोखां आरु खोमायाव एबा देहानि जायखि-जाया बाहागोआव बेरखाडो
आखाय आरु आथिनि मोदोमआव लोरबांथि	आखाय थाला आरु आथिनि आफा थालायाव मोनदांथि गोमानाय
	मेगनखौ आवुडे जोख्लोबनो हाये

**जिल्ला खुरिया बेराम मावफारियाफोरनि फारिलाइजो लोगोसे बिसोरनि फोनांजाव नम्बर**

फारि नं.	जिल्लानि मुं	फाहामथाइ मावख गिरिफोर	फोनांजाव नं
1	बाक्सा	डा: सधिन कुमार दास	9864146372
2	बरपेटा	डा: बिजु देका	99543 22495
3	बिस्वनाथ	डा: रन्जित दास	9706622263
4	बडाइगाव	डा: प्रनब कुमार रय	9101022315
5	काछार	डा: सन्दिप रय	96139 01714
6	शराइदेउ	डा: ज्यती रयाम	9435334144
7	चिरां	डा: रन्जु कुमार दास	9954060426
8	दरं	डा: प्रिती रेका	94012 47781
9	धेमाजि	डा: कारबि बरगहाइ	70026 62288
10	धुबुरि	डा: जगदिश चन्द्र कलिता	9101926041
11	डिब्रुगढ़	डा: सानि श्रुतिया	94353 02449
12	दिमाहासाउ	डा: ऋतिनाजुल बुहरील	84729 48089
13	गवालपारा	डा: दिप कौशिक	9365789530
14	गलाघाट	डा: रन्जित हाजरिका	9435352561
15	हालिकान्डि	डा: अमित कुमार सिनहा	6002278547
16	हजाइ	डा: आवुल कारिम हाजरिका	86386 95679
17	जरहाट	डा: विलीप कुमार देव शर्मा	8135914874

फारि नं	जिल्लानि मुं	फाहामथाइ मावख गिरिफोर	फोनांजाव नं
18	कामरुप (भेद्र)	डा: पुरबि शइकिया	8638252078
19	कामरुप	डा: रुपालि शइकिया पुकन	94353 00488
20	कार्बि आंल	डा: काडाम तेरंफि	94350 66080
21	त्रिभुमि	डा: सुबाशिरा दास	8402076480
22	कक्राझार	डा: असिन्त शुन्दर शर्मा	97060 43190
23	लखिमपुर	डा: दीति दास	70023 00837
24	माजुली	डा: नरेन ज्यती गये	70027 41139
25	मरिगाव	डा: जया प्रभा बर'	9127081396
26	नगाव	डा: गपाल चन्द्र रय	9435568233
27	नलबारि	डा: ललित चन्द्र दास	9859120142
28	शिबसागर	डा: मेघालि बरठाकुर	94350 55489
29	सनितपुर	डा: तेक बाहादुर चेत्रि	91015 41361
30	खोला सालमारा	डा: मिनहास चौधुरि	91013 80816
31	तिनिचुकिया	डा: बर्नालि वत्त बरा	94351 33925
32	चदालगुरि	डा: प्रेमतुरा मुमुं	98643 99621
33	सोनाब कार्बि आंल	डा: रन्जित कुमार नाथ	94350 64565

**जर'खा खाबुफोर**

- गासै सरकारी देहा खाबुफोराव बेसेन नाडै एमडिटि
- खुरिया बेरामजो बुगिनांनय सुबुफोरनो गोनांथि बायदियै बेसेननाडै एमसिआर फुटवेर आरु सेल्प केयार किट जगयनाय
- बेसेननाडै एडइ आरु एफाइन्सिस
- खुरिया बेरामजो बुगिनांनय सुबुफोरनो मोनसे अन्साइ एलाउन्सजो लोगोसे बेसेननाडै रि-कनस्ट्रक्चिभ साजगि (आरसिएस)

**दैथायहरनाय**

- लैक्शन हननो मोनोब्ला समाजआरि थाखोनिफ्राय सारु फाहामथाइ मावख गिरि गोनां साखाथिनि सरकारी देहा मिरुआव दैथायहरनो।
- जायखि-जाया सन्देह गोनां बेरामिखो बेसेन होनाडालासे रोगथाइ खाबुजो साखाथिनि गुदि देहा मिरु, जिल्ला देहा फाहामसालि आरु फाहामथाइ फरायसालिमाफोराव दैथायहरनो।

जायखि-जाया देहाजो सोमोन्दो थानाय सौंथिनि थाखाय 104 आव कल खालाम

एम्बुलेन्स सिबिथाइनि थाखाय 108 आव कल खालाम

(NHM/2024-25/518)